




Statuten van een vrouwenklooster naar den regel van S. Augustinus, gewijd aan S. Agnes.

<https://hdl.handle.net/1874/338646>



58 Statuten van het vrouwen-klooster, genaamt Bethlehem, buiten Hoorn, in 4°. 122 pages, rel. en parch.

Écrit au xv siècle avec des initiales rouges et bleues. Les statuts de tels couvents se présentent rarement.

Aevum medium.

Scriptores ecclesiast.

N^o. 528

K O M F
N. 22

1044 (*Eccl.* 528.) *Charta.* 4°. 62 ff. *Saec.* XV.

Statuten van een vrouwenklooster naar den regel van S. Augustinus, gewijd aan S. Agnes.

Hs.
5 F 22

Et ecce nimis miracula talia esse. **S**perare sua speraverunt et dixerunt.

o t t t f f f t t t f f f t t t f f f t t t

Prope est et cetera. **S**ed non despera. **S**ed sol eius in morte non asperit.

o t t t f f f t t t f f f t t t f f f t t t

Tuus dies quia fecit dominus in ortem deus tuus et victor in

o t t t f f f t t t f f f t t t f f f t t t

is apparetur plebibus. **Q**uoniam mare de tunc apertis.

o t t t f f f t t t f f f t t t f f f t t t

Docens serpentes cor aperient ut clausa de ipso reseruet.

o t t t f f f t t t f f f t t t f f f t t t

Etenim igitur resurgenti ipso in tanta gaudis flores

o t t t f f f t t t f f f t t t f f f t t t

in hac die terram naturam tribuisti. **P**erferet iumentis filio dei.


Gras. **R**am nri genies celestis canetuaru milites. **D**educe pa


uam inuestra nos adornare gaudia. **D**imittit hic superi pignere


refrenare infiri. **P**er omnis iudm spe granaleru etati. **P** vi ho


guntis cana ds homo naterur. **E**t fragili carne se detras omi


lene probem submittit patient. **P**er virtutes agunt hic ds emucur











1

2

Hier beghint dat prologus int boeck der statu-
ten oules huyles te betlehem bûijte Roern.

W

Ant den susteren na den gebaden der re-
gulen gebaden wort een hert ende een
siel to hebben inden heer. als inden beghe-
der heilighe kercken. der menichuoldic-
heit der gheloeuigher was een herte en
siele in gade. ende alle dinghe weren

hem ghemeyn. Daer om ist recht ende behoerlick. dat die
gheen die onder eenre regulen leuen. ende onder gheloeftē
eenre professie. dat sie oeck ghelyck syn in bedwaringe der
oerden. op dat die eenheit diemen van bynnen sal holden.
inden herte bewyse ende voede die ghelycheit die van butē
gehouden wort inden seden. Welck datmen mach alsoe te vol-
len comeliker holden. ist dat die dinghen gescreuen syn die
men doen sal ende hem allen die scrift apenbaert woe dat
men doen sal. Ende dattet nyet gheorloff en is yemant myt
synen wille yet te verwanderen off yet te doen buten raet der
visitoers op datmen niet allentelen afen trecke. wert datme
versuende cleyne dinghen. Beholte lick oer der goeder loue-
liker ghedwoenten dys huyses die teghens die oerde niet en
syn. niet achterte laten. al en syn sie hier niet al bescreuen.
Nodtant moeghen Rector ende priorinne dispensieren.
redelick. in dinghen die hoeren tot lichaemliker noeddrust



off oefninge alst dienen mach. **D**oe mach die mater der susteren noetdrufft oefeninck obseruanrien aensien ende ppenen oer als een trouwe scaffener ster alle dinge te schicken na der regel ende statuten. als sie siet dat een ygheluck dienen mach. **T**en waer dat die visitoers off die hector va somighen anders ordinerde

Die mater sal oer ghebruken dispenseringe als ander susteren. **E**ser heft yemant noet datmen oer vernyre lange of cort die strengicheit der ghemeyne insettinge. soe sal sy myt orloff der mater oer noet in capittel voor die susteren den ouersten apenbaeren ende sal soe van hem ontfermherticheit soeken. **E**nde op dat wy den susteren versien moeghen van eendrachticheit vrede ende vordering. soe willen wy ende verclaren dat dese teghewordighe statute hem niet en sullen verbinden tot sunden off scholt mer tot penen. dat is. ofter yemant teghens dede niet en valt in doot sunden off verbonden sy tot enyghen pinē des veyheuers. mer alleen tot lichamliker ende tytliker penē ende penetencie die daer op ghesat wort vande ouerste. **T**en waer dat yemant wt ver smadenisse of quade wille daer teghen dede. of die penitencie ende pene der ouersten niet en achte. **O**f dat die ouertredinck in hoer seluer sinde

weer, doetlick off ghenedich. **V** Ende op datment te gherin
gher mach vanden ende lichtelicker der memorien beuden
die dinghen die in desen statuten begrepen syn soe wort dit
werck in vieren ghedeelt.

E Dat ierste deel helt van dien dinghen die behoere totter
visitatie. Ende van kiesinge ende confirmieringe der mater.

V Dat ander deel holt vanden officie die sonderlingen per
sonen beualen syn.

E Dat derde deel holt in van ghemeyne bewaringe die
hem allen aenghaen.

E Dat vierde deel vanden susteren die vut ghaen moege
ende vanden ghenen die noch niet gecleet en syn ter oerde

Ende alle dinghen die niet begrepen en syn en enich
van desen vieren, werden gelaten inden willen deer visi
toers ende Rectors. Ende om datter niet ver suempt en
werde ouermits verghtenheit soe beuelc men den susteren
strengelick datmen iarlucs als byder tijt der visitacien is
voer dat conuient lese, dat ierste capittel des iersten deels.

V Ende dat ander capittel, des seluen deels salmen lesen de
susteren als die mater te kieser is. **M**er die ander drie dele
salmen lesen den susteren ter tafelen of op die spinamer des
iaers ses werff of seuenwerff op tyden als men ledichs is



van hoedtyden. Ende als men verneemyt dat sommige
puncte quellick ghehouden werden die salmen sprekende
tractieren mitten rector. woemen die dingē sal ende
mach beteren ende holden. Ende ist datter gheen bete-
ring na en volget. Ende is die mater die saeck soe sal
sie heymelick vermanē die ondermater dat sie oer dair
af beter. Duet sy is niet ment sal seggen den rector.
Sijn die ander susteren schuldich. soe salment der mater
seggen. Datet nyet salment den rector segghen. Hoirt
men den Rector noch Mater niet. salment inder naester
visitacie den visitoers seggen. ¶ Mer op dat deser dinge
vourscreuen gheen noet en sy. als ouer yemant myt reden
te claghen. soe begheren wy dat elke suster die ander pyne
vorteghaen in doechden ende in allen goeden obseruancie.
Op dat dyt conient altoes woertgae ende bloye in doechde
ende in goeden seden. ¶ Dat wael gescheiden sal ist dat
sie sych oefenen vlitelick in driuen punten. ¶ Dat ierste
is gelatenheit onder oeren ouersten. vlitelick waer to ne-
men dat sie oeren Rector ende Proorzynne die bouē hem syn
ende hoerte alre last dragen. deuoetlick ende haestelick onder
danich syn. to doen dat sye hem ghebeiden. ende lactē dat hē
verbaeden wort. Niet alleen van butē inden werckē onder

2 4

danich te sien. mer oec van bynnen. als Bernardus seet. een
guet voelen van om te hebben. Toe scouwen bouen al dinck
den ouersten lastich te sijn. Noch oec niet willen te lijde dat
om yemant moylick off smelick. of onghehoersam wesen
solt. ¶ Dat ander is mynlicheit onder malcanderē. mal
canders crancheit der lichamen off der seden suetelick tonder
uanden sonder mysmoeghen ende vutnemen der psonen.
Aldus leert ons lieue here die kinderkins hebt onderlinge
mynde. Dit gebiede ick v secht hy dat ghy malcanderē lief
hebben sult. Itē dit is myn ghebot dat ghy malcanderē lief
hebben sult. Itē Een nye gebot gheef ic v. dat ghy malcande
ren lief hebben sult. ¶ Dat derde is vlticheit totten diē
te gods. in oefenick der doechden. Ende neersticheit totte
handwerck van butē nader ghehoersamheit. altoes voir sich
te setten waer to dat sye gheromen sijn. ¶ Finis.

¶ Hier eyndet dat prologus

¶ Hier beghint dat iersten deel vande statutē. ¶ Vander
visitatie. Ca. primū ¶ Vande kiesen en setten der Prior
ynne Capit. ij^m ¶ Vander visitatie. Capit. Primū

Iden naem der heiligher ende onuerscheidenre
druuldicheit. om den staet ons huyses te holde
inder heiligher religien en deuocien soe salme
die visitacie doen van iair to iair na onsen pri
uilegien ende fundacie. Als dan die susteren to samē syn.
ende dat gebet gedaen is. dat inden gemeyne capittel pleech
to geschien als bescreuē is int naeste capittel van kiesinge
der Priorinne. soe doen die visitoers dunct om guet ende
vermanynge om te holde onse opsat. van gehoersamheit
ende reuerencie totte ouersten. Als dan gelesen is die for
me der visitacie. soe gebieden sy van gods weghen. ende ons
ghenedighen heren van vtrecht. dat sy daerlike seggen vā
den ouersten. van malcanderē. ende van all den staet des huy
ses. daer hem aff geuraecht wort. of betering werdich dunct.
al en vraecht men hem niet. Ende dat niet te late. vā my
nen of haete of vrese van nyemant. op dat sy niet en valle
in swaer discaplyn der oerden myt swarē periculen oerre
sielen. Nochtant sullen sie niemant opleggen apenbaer
lick of int cōuent enyge misdaet diemē niet bewysen en
mach. Op dat die pene niet en valle op die gheen des niet
bewysen en cōnen. die die gheen hebben solde. die beschuldi
ghet was worde die schuldich geuonden. ¶ Dit selue

sullen die Kertour en die Priozyne hem ghebeden van hoerre
 machte. ¶ Die visitierres dunct hem goet in swaere sacken
 ghebeden op die pene des bans, ende eyschen enē eyt om vol
 comeliker ende sekerliker die waerheit te apenbaere ende te
 weten. ¶ Men mach oeck werlike lude nemē te tughe. syn
 sie geloeflick, beide teghens die priozyne of susteren, ist
 datmen vande cōuents psonē niet en mach prueuē, ende men
 prueuinghe behoeft. ¶ Mer die visitierres en sullen niet
 lichtelick ghelouē allen gheesten, noch en sullen nyemant
 vut suspiciē alleen ordelen. Ende bysonder den genen
 diet schoen vut setten kūnen, ende wijs syn in oere oghen,
 ende turbiert, ende vut passien meer spreken dan vut god
 dien sticheit, dese streylen om seluer, ende syn strenghe en
 ongenadich op een ander. ¶ Als dat ghebot gedaen is, en
 die carthe gelesen vander laester visitacie voor hem allen,
 als die visitoers gaen vander camer, bliuen alle die susterē
 by malcanderē hent sye vutter weer syn. Meer die Priozyne
 ende suppriozyne met twee vanden olden ghaen myt
 hem ende brenghen sye voor die slot doere. Ende gaen den
 een yghelick op hoer werck. Ende dan vraghen die visitoers
 neerntlick ouer syde van enē yegelick voor dat ghetralijde
 vinstre ende bedet die dinghe die te vraghen syn.

TItem Ierst onderdraghen sy neernstelick van enē ygheliken of die priorinne enyghē vordwerden mitten susteren gemaect heft. ontsiende die visitacie. Hest men enyghē gemaect die brect men. Ende die Priorinne sal syn vut hoeren stoel. viertich daghe. ende deruen dat sacrament heilighe. Sie sulen neernstelick onderuynden of die vordleden visitacie wael gehalten is. Ende die sie schuldich wynden et sy Priorinne of onderfaete salmen corrigeren als onghelchoersamē. den visitoers ende gade. ¶ **D**eck neernstelick ende sochtuoldelick soe onder soeken sie sonder enich smeyken dat somtijt bedwefen wort tot verderfenis ende omkier der oerden vander versumenisse der Priorinne. Deck of sie corrigiert die gebreken of sye yet van enyghen mans psonē suspect is. Of sie in spreken myt werliken luden oer eersamluke ende stichtelike hebbe. Of sye guet exempel gheue den susteren in die kerke te comen. In abstinencien ende in anderen obseruancie der oerde. of sie die statuten des huyses doet holden. want by oerre neernsticheit ende goddienssticheit soe blyft die oerde. of sie vergaet by oerre versumenisse. Of sie vlicelick berispet die dingē die onoerdenierlike geschien sonder vutnemē der psonē. ende corrigiert. ¶ **D**aer na vraechtme naden vrede des huyses onder malcanderē. ende tot den ouersten. Ende seggen

sie dat sie niet te vreden en syn. soe onder suectmen die sake En-
 de als men die bekent. soe corrigiertmen die wytlick die gheen
 die schuldich syn. ¶ Men vraecht woe sich die susteren hebbe
 in bewaringe der oerden. Als in niet eygens to hebben. In sile-
 cū te holden. In behuethheit to ongeliken psonē ende vouden
 vinsteren. In gehoersamheit totten rector ende prioryssen.
 Ende dien reuerencie to bedwyfen. ende oer malcanderē. Of sie
 yet kebbelen onder malcanderē. ende der wytlick syn myt woer-
 den. In comen to kercken. Ende te doen den godliken dienst. In
 abstinencien. In spreken myt malcanderē ende mitte gesien
 ende gasten off sye oech altoes tughesusterē by om hebben.
 Of sie myt werliken luden of myt eynant anders. eer same-
 stichtighe callinge hebben alst behoerlick is. ¶ Of sy mit
 mānē hemelike plegen te spreken. Of sy my eynant wie
 sie syn gelyck of ongelick hemelick gheselschap hebben.
C Voert salmen soch uoldeliken wagen of sie curioesheit
 ende synlicheit scouwen. of sy achterclap ende murmura-
 ce vlien. Of sy inden capittel behoerlick oer gebreken be-
 lyen. Of sy sachtmoedich syn. ende oetmoedich inder beris-
 pinge ende correctien.

¶ Om te weren den staet der tytliker dinghen.

E Doe salmen onder sueken. oft huys beswaert is myt

scholt ende woe vele. Ende of sy yemans dingē op geloue to bewaeren hebben ghenomen. Wort dat huys belast mit scholt, ende gheen redelike saeck en is, die die mater of procuratersche onschuldiget soe komet die misdaet op om.

E Die visitierres sullen van veers onder soeken die dinge die hem gesacht werden, en men niet pruuuen en mach, mer nochtant niet te nomē die ysoen. Mer ondersuekende vanden gebreken, oft men mochte ende solde int apenbaer prueuen dat heymelick is. Als dat ondersueken ghedaen is, is daer yet gesecht vander Priorynnē of van yemant anders, dat beteringe of correctie wert is, soe draechmen ouer syde heymelick der gheene die beschuldicht is, oft waer is dat men van oer secht. Ende na dat sijt belijt, of mit getugē verdwonnen wort, missaect sijt soe wert sie na wille der visitierres gecorrigiert. Ende die met voerraet ver swyghen alsulke dingen ende swaer saken diemē den visitierres apenbaeren solde, die en sal die Rector niet absoluere, sie en hebben daghe lanck abstinencie ghedaen te bier ende te broede, of anders wat dat den Rector guet diinken sal, of heymelick waer. **V** Die visitoers sulle oer heymelick alle dinge die om gesecht werden holde, alleen to seggen dairment seggen sal ende beteren. Sie sullen oeck

ghebeden strenglick allen susteren dat sie nyemant apenbaere sullen enyge heymelike dinge dan alleen dat apenbaer is prunelick. soe veel alst noet is. Want neymant sal apenbaerlick ghemerct werde sonder claer sake dan in dien dingen die apenbaer syn. of voir vele susterē kundich.

VAls dese dingen geschiet syn dan salmen die susteren te samen laten comen. int capittel huys. ende een yghelick sal bliuen op hoer stede. daert oer boert int capittel. Ende dan sullen die visitieres roepen die susterē ende seggen hem waer sie gebreedlick in gedweest hebben. ende sullen hem penitēcie setten ende disciplinen. na groetheit der gebreken.

Ten iersten sullen sy comē die ghene capitulacers en syn. ende als sie hoer deel en wech hebben. soe gaen die vut

Ende dan roepen sie die andere beghynende vā der **M**ater

Hoer gebreken of versumenisse die wenich susterē wete die en salmen nyet lichtelick int apenbaer hoer seggen.

mer heymelick. Ende als sie venie neemt dael vallende om hoer reuerencie. soe staet dat cōuent. hen hoer die visitiers hetten opstaen.

Men beuelct oer der **V**oornne stre gelick dat sy nyemant die yet teghen hoer gesecht heft. en ontdecke die gedwoentlike goedertierenheit. die sie den anderen int ghemeyn bedwyst. of om siecte. of toederheit tot enyger

tyt bedwyse wreake. Ende niet te myn beueelt men alden susterē.
dat sie ghenen susteren moyelick noch verdwytelick wesen sul
len in ghenen tyden die van hem wat gesecht moeghe hebbe.

Ala der visitacie sullen die visiterē als hem guet ende
noet diinct wesen. die merckelijste gebreken in eenē brieff
of carte beschriuen. ende daer laten. Ende die salmē woert ghe
meyn cōuent bynnē iaers vierwerf doen lesen. Als op elken
vrydaghe voor die vier principael hochtyden of anders alst
cōuent best by een is. Ende der naester visitacie. **D**ie vi
siterres sullen nauwe to sien. wanneer sy visiterē dat sy in
den huysē vrede achterlaten. beheltelick correctie ende discipli
ne der oerden. Ende dat sy hoer macht den ouersten laten die
daer bliuen. **E** Die visiterres en sullen oer niet nemē
van den susteren grauen. die hem gebaden werden. noch eyssche
wanneer sy visiteren. die hem niet gebaden en wardē noch
doer om seluer noch doer een ander. in ghenen schyne. Die en
sullen oer niet eysschen gheestlike waldaden.

Ende want in veel sprakens die sunde niet onbreect. als sy
oer visitacie sluten seggen sy mytten cōuente Confiteor. als
men plicht te doen na gewoente. Weert dat die visiterres eny
ghe kost hadden gedaen om der visitacie wyl. salmē guetlick
betalen. mer anders niet.

Van kiesen ende

in settinge der Priozyne. Capit. Scdm. *✠*

Is geualt dat die Priozyne of mater gestoruen is ende begrauē. of afghe set of oeren dienst ouerghegeuen heeft. soe salmen die susteren to samen roepen. ende seggen hem dat sie drie daghe sullen vasten. Ten waer datter bynnē quemen hochtyden van ix lecen te holden. of die paesch weke. Oft ten waer dat die hector vor vasten anders wat satte. Ende dat sy totter tijt to dat sy die Priozyne hebbē alle daghe na der metten ende na der vesper hoer gebet vor hoer sullen doen. Als dat sy lesen sullen myt ynichheit den psalm. Ad te leuau. liggende op die forme. myt kyuel. criste. kyuel. *Pater nr. Et ne nos. Saluas fac anillas tuas. Deus meus sperantes in te. Mitte nobis auxiliū de sancto Et de syon tuere nos. Nichil proficiat ymritus in nobis. Dñe deus virtutū conuerte nos. Et ostende faciā tuā et salui erimus. Dñe exaudi orationē meā. Et da. Oremus*

Retende dñe famulabus tuis dexterā Collecta

*celestis auxiliij vt te toto corde requirant. et que digne postulant assequantur. A*ctiones nostras q̄s dñe et aspirando p̄ueni et adiuuando prosequere ut cuncta nostra operatio. et a te semp incipiat. et per te cepta finiatur. *Per dñm dñm nostrū Amen*

Item. dese kiesfinge sal geschien bynnē veertich daghen vā
allen susteren die kiesē moeghen. Want die to bāne waer
of dier oer stēme ghenomē weer. mach niet kiesē noch sie
en mach niet gecozen werden. Wāneer men kiesē sal. soe
sal die Rector die ierste stēme hebben int kiesē. ende daer
na sal hy myttē confirmeres die begerte der susteren onder
sueken. ¶ Het is to weten die gheen professie ghedaen en
hebben. die ~~malaetsch~~ malaetsch sijn. Apenbaer sunder schen.
al sijn sie oer absolueert van alre disciplinē. hoer stēme waer
hem apenbaerlick weder gegheuen. Verbandē. Suspense. of
interdicte en sullen niet kiesē. Noch men salse mitte ande
ren niet laten comē ter kiesfinge. Oeck gheen nōne en sal nīē
laten totter kiesfinge sie en sy dwelf iaer olt. ende hebben pro
fessie ghedaen heymelick of apenbaer. ¶ Oeck sal nye
mant ter kiesfinge comen die vander oerden verloepen is. Of
anders apenbaerlick sundich ghedweest heft. die en salmen
voert an in Priorinne niet kiesē. Of die quade ouerdracht
teghens ouersten wulneer gemaect hebben. die niet kiesē en
moeghen noch men saller niet kiesē. Doetmen anders myt
ten seluen salt te niet wesen ende ydel. Gheen suster en sal
oek ghemaect werden Priorinne hent sye veruult hebbe oer
dertichste iaer. ende hebbe apenbaerlick professie ghedaen

na der oerden. Ende hebbe drie iaer lanck ten mynsten loeflick
 ende doechlick inden conuent ghedwoent, ten waer sake dat noet
 drusticheit daer to dwonge. ¶ In den daghe der kiesinge
 salme die visitoers to samen comē laten. Ende ten iersten mis
 se doen vanden heiligen gheest. Daer na als die misse vut is
 coemen die visitoers toe samen int capittel huys totten suste
 ren mitten Rector ende lesen den psalm. Ad te leuauu. 4. mit
 ten preces ende ghebeden voor secht. Ende als de oldeste visitoer
 gesecht heft. Benedicite. soe duet hy een vermanynge diincket
 hem guet. Daer na gebieden die visitours van beueel ende
 machte onses heren van vtrecht na vermoeghen onser preui
 legien. dat sye na gaede als sie beest moeghen soelen kiesen.
 diemen vermoet alsoe voel als menschelike crantheit verhen
 get werdich ende genoeg te wesen van leue ende olderdom tot
 ter officie der Priorinne. Almer salmen kiesen myt enygher
 schalkker behendicheit of dwange enygher psonē. Mer alleen
 diet couent na den meesten stemmen ende besten rade gheoer
 delt heft ghecaeren te werden. In deser kiesinge salmen holde
 die settinge des gemeynē raids van lateranē des lesten. welck
 hijr nauolget van woerde to woerden. soe veil als hijr noet is.
 Ghenoemen vut den decret. Moemen die Priorinne kiesen
 sal naden Rechten. Ex consilio Lateranēsi. ultimo 7c.

E Op dat die gripende wofst niet aen enghae des heren tid
de, of op dat die kerke of cloester dat sijn prelaet of ouerste
quijt is of verlaren heft niet en lide alte groete saede om ge
breck sijns herden. Want wy hier in te moete willen gaen de
auxste ende sorghe der sielen, en voursijn willen nütticheit
der kerken. soe setten wy in, dat gheen kerke of cloester sonder
prelaet wesen sal bouen drie maent. Ende waer dat sake
dat bynnē dijr vournoemder tijt niet een ouerste ghecoeren en
worde, soe sullen die gheen die daer kiesen solde, op die tijt ver
liesen ende quijt wesen hoer recht en macht to kiesen. Ten
weer dat onscholt hadde, om redeliken saeken. Ende die pre
laet die daer naest ghelegen is, vander seluer oerde ende capit
tel, die sal dan daer een ouerste kiesen. Mer die gheen daer al
soe oprompt die macht te kiesen, die sie dat hy god vour oghe
hebbe, ende niet en vertrecke voerder dan bynnē drie maende
myt rade sijn capitels, ende ander wyse māne te saeken enē
bequamē psoen, vut der seluer kerken, of vanden seluen cloes
ter, of vut een ander cloester. Meer dat sake datmē daer geen
bequaem psoen vynden en conde die daer nütte to weer. Is
dat hy ontghaen wyll die wrake ende correctie des gheestli
ken rechtes. ¶ Ende want om mēnygherhande van
maniere van kiesen die die sōmighen pyne te vynde, mēnich

hinder compt, ende groete last ende scaede aenstaende sijn
dien cloester dat sonder plaet is. Soe insette wy, als wan
neer men enen kiesen sal, ende sie alle dair teghenwordich
sijn, die dair sullen en willen, ende gadelick moeghe bywe
sen, datmen dair drie ghetrouwe van dien selue couent
vutneme die neernsteliken onder soeken ende hoere sullen
die wille ende goetduncken van hem allen ende van enen
ygheliken by sonderlinge int heymelick ende scriuen dat
Ende dat sie gescreuen hebben, dat sullen sie sonder mer
ren, onder die ghemeente apenbaeren, alsoe datmen dair niet
inwerpen en sal enich hinder van enigher appellacie, dat
is enich hogher recht te sueken. Ende wāneer men dan die
steme auerrekenet, datmē den ghenen kiese, den al die capit
tularen, of dat meeste ende stemichste deel des couents ghe
coen heft. Of men mach somighen mānen beuelen en
ouerghen die macht te kiesen, die in oerre alre stedendien
cloester voir sien sullen om een hierde. **E**Maect datter
anders dan hier gescreue is inden twee maniere, yemant
gheroeren worde, dat waer al nyet. Ten weer datter ene
ghemeyn kiesinge van al den couentualen als van inghe
uen des heilighen gheestes sonder scilcheit gesiede.
Soe wie oeck teghen dese voir screue manieren hem onder

Wynden wolde te kiesen. die verliesen op die tijt oer recht te kie
sen. **D**eck so verbiede wy mede alle heymelike kiesinge. ende
in setten. dat alsoe haestlike als dat kiesen geschyt is darne
sonder merren feestlike kundighe ende apenbaeren sal.

Dit is die syn van deser materien in dat decretael.

Dat hyt nauolget is ghenomen ut dat sefte boeck de
cretalū. ende spreket sonderlinge van den nōnen. die enē
ouersten kiesen sullen. **W**ant wy te mael seer begherē nūt
tichheit ende ourbaer der nōnē cloesteren. die dicwyl groet hin
der ende scade. beide in gheestliken ende oer in tijeliken goe
den liyden. wāneer dat sye enē ouersten kiesen sullen. ende
daer wydracht ende onvrede onder koemyt. **S**oe in setten wy
alse wāneer dat sye kiesen sullen. datmen ghene nōne en
sal mede laten kiesen ten sie dat sie professie ghedaen heft.

Ende datmen nyemant en kiese in een abdusse of Prior
ynne. ten sy dat sye ouer oer dertichste iaer sy. ende dat sye
aepelike in dier oerden professie gedaen heft. **E**nde ist
sake. dat sie opnemen te kiesen in der manier. als soe waer
die meeste stēme op comen vanden conuent dat dat een
vourganck hebbe. **E**nde die nōnē dan niet ouerdraghē en
konden. der en worder veel ghecaren. dat is datter vole geuon
den worden. die al stēmen hadden. **S**oe salme sijn ofter ye

mant van alden ghenen die daer ghecaeren worden. die twe
 deel van alden stemen gecregen heft. Ende vintmē dat al soe
Ende dat kiesē anders naden rechten al wael gheschiet
 ende ghedaen is. Ende die ouerste die tot dier kiesingen ghe
 roepen of ghebeden is. alle dinck dat daer to hoert wael on
 der socht ende anghemerket heft. soe salmē dat vestighen
 en vastmaken sonder enyghē vutnemynge. of weder seggē.
 of oer appellacie. dat is enygh ander of hoegher rechte te ver
 sueken. van yemant vander ander parthye. die anders ye
 mant ghecoere hebben. **E**Mer weer dat sake datter alsoe
 ghemeren weer. dat die twe deel vande conuent op nyemat
 geuallen en weer. soe mochten die nonen die niet ghecaeren
 en hadden. die die meeste stemē hadde. oer stemē ver wandere.
 weert dat sie daer willich to waren. ende kiesē noch die ghe
 ne die die meeste stemē ierst hadde. Ende dat moetmē wael
 doen al waert oeck dat die ierste kyesinge. al ghekundicht weer.
Mer dit salmen doen rechteenoert eernē tot enyghē ande
 ren wercken ghaet sonder arghelist. Ende ghemelt van
 datter soe vele stemen der gheenre die die niet ghecaeren en
 hadden. mitten iersten. die yerst die meeste stemen hadde. tot
 dat ghetal queme der iersten die die meeste stemē hadde. dat sie
 dat tweedel hadden vanden conuente. soe salmē dat vestighen

ende vastmaken gheliker wys als of sie mitten iersten dat
tweedeel hadde ghehat. ¶ **A**lwaert sake datter yemant van
den nonē waer. na dat dese kiesinge aldus op enē getomen
waer alse gesecht is die yet sunderlings wolde seggē of vro
ghen van den ghenē die ghecoeren ende gheuestighet weer.
daer men sie weder om offetten solde van hoeren dienste. dier
salmen dat wael gūnē ende laten seggen. Waert oec dat die
nonen die mitten iersten anders yemant ghecoeren hadden
dan die die meeste stēmē hadden. hoer stēmen nyet gheuen
en wolden. den ghenē die die meeste stēmen ierst had. of oec
mede. al vielen sy myt hoeren stēmen op die die meeste stem
men hadde. dat nochtant hoerre soe vele niet en waer. dat sie
dat tweedeel vanden couent maken mochten. soe sal die gheen
die dair die ouerste is gheropen totter kiesinge. wyslike ende
wael ondersueken op enighe weder sprake of daege der ander
re. die die yerste niet kiesē ende wolden. isset anders dat sie yet
weder spraken hebben. Ende dit ondersueken sal oec mede
geschien in anderen dinghen. die daer to hoeren sonder onlede
van rechten. eer datmē dat kiesē vastmake. ¶ **A**lsoe nochtant
dat die gheen die ierste die meeste stēmē hadde hier en bynnē sal
sorghe draghen ende dienē vryelick in gheestliken ende tytli
ken dinghen des cloesters. behaluen dat sie van al des cloesters

goede niet myt allen en moet verveemden. **N**och dat sie ye
 mant aen nemen en moet nōne te maken. **M**er waer
 dat sake dat yemant vandē nōnen ghecozen worde van dat
 mynste deel vandē cōuent. dat sie myn dan die helfde vandē
 stēmen hadde. dat kiesē en willen wy niet dat enighe cracht
 hebbe. **E**nde dat ghenē die alsoe vandē mynsten deel vandē
 cōuent gemēren is. willen wy dat gheen recht dair in en heb
 ben. noch die ander en moeten hoer consent of hoer stēmen in
 dusdanigher manier daer to niet gheuen. **O**p datmē
 oec na deser voernoemder forme te lichtliker hier doer raekē.
 ende op datmen te eer come to cendrachtigen kiesē soe bescei
 de wy ende ordiniēren dit. dat na datter gemēren is. ende mē
 ouersiet en reket wie die meeste stēmen heft. datmē niet
 aen sien en sal wie vanden ghenē die mede gecaerē hebben.
 die meeste myne hebbe. of die meeste sorge schinē te draghē.
 of die van die meeste verdienstē sijn. mer datmē alleen dat
 getal vandē stēmē sette teghen dat getael. **E**nde weer
 dat sake dat die nōnē willen voert vaeren. in dier manie
 ren alsoe dat sie beuelen yemant anders voer hem te kiesē
Ende waēneer datter alsoe gecoeren waer. datter dan een
 deel vanden cōuent hem setten woldē teghen die ghenē
 die alsoe ghecaeren weer. is dat sake. datter mynste deel

vanden cōuent dat mer. alse gesecht is in die manier te kie-
sen myt onder soeken soe salmen dese kiesinge vestighen.
ende dat weder seggen. of vutnemynge of oec enich hogher
recht te begheren. der ander woer sechder nōnen. en mach
hier en teghen niet woerden noch hinderen. ¶ **Rochta**
soe en wort hier in niemant benomen namels alster ge-
cozen is yet te seggen of te woeghē teghen den ghenē die ge-
cozen is. ¶ **Mer** waer dattet meeste deel vande cōuent
hem settede teghen den ghenē die ghecaren waer. auermids
belouige soe salmen die vestinge. of ende offsettinge soe lā-
ge verholden. hent datmen onder socht heft vander weder
segginge. ende anders yet. dat den ghenē moētē mochte die
gecozen is. Mer daer en bynnen soe sal die alsoe gecozen is
vrylike doen en besorghen dat toe hoeren dienste hoert.

En waer dattet deel der ghenre die hem sette teghen
dat voornoemde kieser die helste meerre weer dan der ander.
dien daer wael aenghenoeget. Want alsoe en wyllen wy
niet dat sye oec yet onderwynde. van datten dienste to be-
hoert. mer dat sie verwachtte hent dat die dwydracht ghelede
is. ¶ **Al**ous weer isb ghenoenē. vut dat seste boeck van
den decretalen. **E** Mer wy visitoers doen daer to. alsme
voertuaren sal. per viam scrutiniy. dat is byden onderwyn

den der stemen, der gheue die kiezen sullen. soelen wesen die
 visitoers totter kiesinge mitten Kertour des huyses mitten
 voorscheden drien dair decretal van sprect. ¶ **A**lsmen tot
 ter kiesinge gaet, auermids forme des ondersuekens. soe sal
 men int ierste holden, dat die ondersuekinge geschie in alsulker
 stede, dat die gheen die dat ondersueck doen van hem allen ghe
 sien werden. Ende die gheen die noempt alleen van den die
 ondersueken gehoert werden. Ende die die ondersuerste die
 vanden conuent genomen werden, soelen hem seluen ierst
 ondersueken. Ende daer na die ander nomen, een yeghelick
 by sonder. Een van hem vā hoerre alre weghen, een ygelick
 die kiezen sal beswerende. ¶ **E**en anderen mael, dat sie
 vluchtes bescriuen by hem of by een ander eens yghelick wil
 le. ¶ **E**en derden mael dat sie vluchtes die willen apen
 baeren in die ghemeyn audientie des capittels. ¶ **E**en
 vierden mael, dat als die willen sijn int ghemeyn gheapen
 baert, collacie gheschie alleen des ghetuels teghent ghetal.
 Op datmen die vluchtes kiese in een priorinne des huyses
 in welker die tweedel des conuents ouereendraghen.
 ¶ **E**en vyften mael, dat een van den oldesten des meesten
 deels van hoere weghen, ende die hoer aenhanghen vutkun
 dighe die kiesinge by waerden getuels vā een, biddende die

selue vande visitoers gecōfirmiert te werden. Ende dese voor
ge sechde dinge sullen gheschien onder eem versamenynge
soe datmen daer en bynnen niet en kier tot anderē dingen.
Daer na sullen die visitoers proclamatie doen voer alt cō
uent. eer sie die gecoren is confirmieren. Op of yemant
wolde seggen of bedwarnen teghen die forme der kiesinge.
of teghen die ghetaren personen macht ende tijt hebbe te op
ponieren of te weder spreken. Ende tot een seker tijt tē mys
ten enen dach salmen die confirmatie verholden. Ende ist
dat yemant opponert of teghendworpt een seker saeke wa
er omē die kiesinge niet sal gheconfirmiert werden. soe wer
den die confirmatie vertrect. hent men die saeke onder suke.
ende die waerheit ende reden des weder sprekens vanden con
firmieres bekend wort. Weert dat die saeke ongherecht ghe
uonden wort. of en woert ter niet teghen gesproken. als verle
den is die gesette termijn. confirmiert men die kiesinge. En
is die teghen sprekinge gherecht. soe en confirmiert men sie
niet. want sie en waer van gheente macht. ¶ Dese pro
clamatie ende dese manier is te holden. al waer oeck die kie
singe gedaen. mit ghemeente eendracht. ¶ Ister gedweelt
inder formen der kiesinge. soe machmē die kiesinge van
nyes verhaelen. Ende die ghetaren personen en wort niet

te myn bequaem. ¶ **T**is te weten. ist dat sie alle vande
 conuente wulike enē onwerdighen persoen dan wederprouē
 die visitoers ~~ende~~ ~~rector~~ die kiesinge. Ende die kiesinge sal
 comen totten visitoers ende Rector vanden huise. ¶ **E**st
 dat sōmighe noemē wulike een onwerdighen psoen soe
 coempt die kiesinge totten anderen die sodanighe kiesinge
 niet en hebben consentiert. ¶ **A**ls men voort ghaet byder
 ander formen dat is byden weeghe cōpromissi. Ende sōmi
 ghe daermen in cōpromittiert weren vande conuient. Daer
 in cōpromittiert is. moeghen niet gecieren werden daer en
 weer inder cōpromissie toghedaen dat sie kiezen mochten vā
 hem seluen. of van anderen. oec alsulke kiesinge sal nē voort
 kundighen. by yemant in welken cōpromittier is by waer
 den des ghetaelts van een. Ende dan sal die proclamacie ge
 schien vanden confirmiertes. ende termijn geset werden te
 weder spreken als voersicht is. ¶ **T**is te mercken dat
 men niet voertghaen en sal. viden wech cōpromissi. ten weer
 dat sy alle willichlike daer in consentierden. Want wolder
 ene niet datmen soe voertginge dan en dochte die kiesinge
 niet. Want die wech der ondersuckinge is meest noet.
E Die derde forme is byder inspiracien. Ende sulke ver
 moetmen ondermaect sie en geschie van alsoe vernoemde en

hoghen persone. daermen lange ghemeenlike gesecht heft dat
sie werdich ende nütte weer totten regimente. beide in gheest-
liken ende wertliken dingen. ¶ Dese kiesinge mach oeck
geschien by den weghe cōmissi in deser wyse. Als dat
die. daert conuent in cōpromittiert. restringiert werden tot
sekeren personē. vut welken sye schuldich sijn een te kiezen.
of dat sye hemeliken ende van enē regheliken onder sueken
hoerre alle wille die gehalten sijn te kiezen. daert meeste deel
des conuents in consentiert. Ende dese leeste wech is slucht
ende vredelick ende wert den susteren van deser oerden me-
est gheraeden te kiezen. ¶ Mer die visitoers die totter kie-
singe gheropen werden sullen den richter god woer oghen
hebben. Ende sullen niet om liefte ofte gonste gaen vande
weghen gades. Want als men ghebiet den cōuente die die
kiesinge sullen doen dat sie kiezen na gade als sy best cōnen.
¶ Gheliker wyse sullen die visitoers toe sien mytten Rector
dat sy niet ouerdraghē weetelike in ene onütte psoen. Mer
sien sy dat die kiesinge onordenelike geschiet soe hebben sy
macht te weder seggen ende te reproberen.
¶ Als dan die kiesinge nader woer sechder formen gheschiet
is ende confirmiert. Soe wort vluchtes die gheuerne ende
confirmierde. vander suppriorinne ende der ouerster nōnen

inder oerden gheleit in die kerke vandē inganck des choers totter
 steden der prostracien. Die nōnen int choer wachtende hoer
 compste ende hoer ghaende doert middel des choers hier ende
 daer hoer tonyghende. Als sie prosterniert is. prosternieren
 hem die sie leyden. mitten anderen. wert tyt vā prostracien.
 Mer wen ist gheen tijt van prostracē. soe prosterniert hoer
 alleen die priozyne. ende die ander staen. Daer na proster
 niert of staende soe lesen die nōnē den psalm. Ecce quā bonū.
 Als die psalm gheent is mit *Gla pū.* soe sechtmen die ari.

Intret oratio mea in cōspectu tuo dnē. eleuatio manūū mea
 rū sacrificiū vespertinū. Kyriel. Chustel. Kyriel. Pater nr.
 Dan secht die visitoer is hy teghendwordich. Int choer beneden
 Anders die suppriozyne staende byder priozyne secht. Et ne
 nos. rē. Saluā fac ancillā tuā. Deus meus sperantē in te.
 Mitte ei dnē auxiliū de sancto. Et de syon tuere eam. Esto
 ei dnē turris fortitudinis. A facie ymici. Dnē exaudi ora
 tionē meā. Et clamor me. *Oremus* **Collecta X**

Omnipotens sempiternus deus. qui facis mirabilia
 magna solus. p̄tende sup famulā tuā dexteram
 celestis auxiliij. ut in veritate tibi cōplaceat. perpetuū
 ei rorem tue benedictionis infunde.

Alia Collecta. **X X X**

Deus a quo sancta desideria recta consilia et iusta
sunt opa. da famulabus tuis illā quā mūdus
dare nō p̄t pacem. ut et corda nr̄a mandatis tuis dedita.
et hostiū sublata formidine tya sint tua protectione trā
quilla. Per christū dñm nr̄m. Amē.

Daer na die suppriorz̄ne mitter olster suster heft
hoer op ende leyt se in hoeren stoel. Ende als. Pater nr̄ ge
secht is soe coemen sie int capittel huys. Daer sal die pri
ozynne lauen gehoersamheit den visitoer ende Rector na
inholt der priuilegien in teghenwordicheit der visitoers en
des Rectors in deser formen. **I**c suster N. laue gehoersa
mheit na Sinte Augustinus regel ende na statuten onses
huyses v pater visitoer vā wegen ons ghenedighen heren
van vtrecht ende onsen Rector na vermoeghe onser pri
uilegien. **A**ls dit gheschiet is. soe coempt ierst die Sup
priorz̄ne of olste suster voer hoer op hoer knyen. Ende die
priorz̄ne vraecht. Belaeftu gehoersamheit na sinte
Augustinus regel ende na statuten ons huyses Soe ant
wort sye ic ghelaue. Ende des gelick doen die anderē die
inder oerden sijn die professyt sijn na ordinancie in teghe
wordicheit des Rectors. **W**eert dat in desen huys
woenachtich weren clerken conuersen of donatē die sullē

laen alleen gehoersamheit den **Rector** ende niet der priorij
nen. **D**ie susteren al to samē sullen oec daer blitelick
to sien dat sie onderdaenich sijn oeren **Rector** in allen dingē
die hoeren totter regel statute of tot andere eersamē dingē.
Estem al dien dach bregen die susteren to myt blyscappē.
Ende sie eten dwerf. ten waer gebot vastē der heiliger ker
ken

Vander Priorijne. Capitulū primū

Vander Suppriorijne. Capit. Secūm.

Vander Procuratrix. Ca. Tertiū.

Vander kelre waester. daer mede vā hoekē waerster. ca. iij.^m

Vander heuenter waester. Ca. quātum.

Vander sieck waester. Ca. Sextū.

Vander bestarien. Ca. vij.

Vander coesterche. Ca. viij.

Vander canterche. Ca. ix.

Vander ebdomedane. Ca. x.

Vander boeckwaester. Ca. xi.

Vander mater of Priorijne. Ca. p̄mū.

Als die Priorijne gecharen ende confirmiert is. soe
sullen sie alle die susteren in eeren ende reuerencie
hebben ende gehoersam wesen. Alsoe dat wie by

hoer hene gaet, die sal hoer een luttel mitte hoef to nyghen.
In wat steden butē den conuente die susterē somighe sitten
vutghenoemē die werck huysē. ist dat die mater daer coempt.
soe sullen sy op staen hent dat mater suttet. of die suster heit
sitten. Ende gaet de mater voer by den susterē. soe sullen
sie opstaen. ende nyghen. ende staende bliuen. thent dat sie
voer by ghegaen is. Ende gaet sie voer by dat couent der sus-
teren inden reuenter. of choer. soe sullen die susterē hoer allē
toe nyghen. Ende soe wie der mater wat to langet of gheuet
die sal hoer to nyghen. Die susteren sullen hem wachten
ende nauwe waren dat sie inder mater teghendwordicheit
hem stichtticken en cer samliken hebben. in woerdē. seden.
ende alle manieren dat teghens discipline wesen mochte.
Ende soe wie dat vandē Rector of Mater berispet werde.
die sullen ter stont vergifnisse bidden op hoer kuyen.
Der Priorinne of Mater hoert weder tom to te sien.
dat sie mit hoerre goeder wandringhe hem allen gheue
exempel der discipline. Ende dat sye niet en mysbruyke
der macht die sie ontfangen heft. Mer al soe veel te meer
sal sye hoer bedwynge. in alre discipline. als sie onder den
susteren nyemant bouen hoer en heft die sie bedwinghe.
Want daer om en is sy niet bouen ander susteren gheset

dat sie onder discipline des cloesters niet wesen en sal. of niet
 onderdanich en sal syn. ¶ Hoer cleedere en sullen niet anders
 wesen dan der ander ghemeyn susteren. gelick in der we. in
 roestelheit ende in forme. ende in grofheit als gewoentlick is
 in goeden huysen. ¶ Sie sal mede wesen in die ghetyde en
 bedinge. Sunder luytche soe en sal sie niet bliue bûten dat ca-
 pitel der gebreken sonder redelike sake. ¶ ~~Inden meesten dubbelden~~
~~festen ende daer bouen doet sie alt ambocht. dutghenoemen~~
 die vesper die die Rector doet. ¶ In der primen en cõplete
 segt sie. Confiteor. Ende naden ghetyden. Fidelium. Ende Ad-
 uitorium. Ende na cõplete gheeft sie die. Benedictie. of doet si
 es niet soe verwaert die Suppiorijne oer stede in allen din-
 ghen. ¶ Na cõpelleten. Ende voer primen sal sie
 hoer pynē silencium te holden. ¶ Sie sal hoer oer hueden.
 dat sie niet en spreke inden steden daer mē silencium holdet.
 Mer sie sal ghaen tot georlofden steden. ¶ In de Keue-
 ter sal sie eten mitten anderen ende als die andere. ten waer dat
 hoer crantheit ende siecte anders es schede. ¶ Der mater
 hoert oeck toe die almisse ende waeldaden den cõuent te kun-
 dighen. ende ghebede te beuelen. Ist dat siet verghetet salt hoer
 die procurater sche vermanen. ¶ Hoer hoert to te corrigiere

die quelke lesen inder choer. inden reuenter en̄ int capittel. of
sye salt enen anderē beuelen. ¶ Die Rector mytter Pri
orynne en sullen nyemant ontfangē totter oerden of p̄fessie
sonder consent der vier en̄ d̄vijntich die daer toe ordiniert sijn
of des meesten deels. Ende wat die Rector mytter Priory
ne ende mittē xxiiij doerghenoēpt ouerdraghē of die meeste
stēme. dat salt cōuent stedich ende vast holden. Vutghenoemē
solmen enighe erfuis vercoepen of afhendich maken. sal
geschien by consent der visitoers. ¶ Mer waert sake dat
enighe suster teghens ouer sten of teghens dat meeste deel des
cōuents hoer voelen of eenre ander myt kyuinge of mit boe
ser stiueicheit beschermē wolde ende dat dake pleech te doen.
ende wort sie vermaent. ende betert hoer nyet. Dese salmen
als een die den gemeyen vrede der stuert butē slutē vandē ca
pittel. Ende daer to salmen se punigen mit swarē penē na
goetdiuncken der ouer sten. ende na ghelegenheit der personē.
¶ Die Priorynne sal des Jaers eens of tweij omghaen mitter
Suppiorynne ende noch mit eenre ander. ende onder sueken
die bedden der susteren ende anders wat die susterē toe hoert.
vinden sy gebreck men salt verbeteren. Die susteren sullen
aldinge toenen der mater. ende iyster yt datmē heft sonder or
lof dat salmen die susteren afnemē. ende corrigieren behoer

lick die onghehoersamheit. **G**heen brieue salmen senden
 noch ontfangen sonder oerlof der ouersten. **N**och gauen
 sende noch ontfangen sonder orlof. wie daer tegens doet sal
 men ordelen of sie diefste gedaen had. **M**er op dat
 die mater be niet belast en wardē myt sorge der tijtliker
 dinghen en alsoe behindert werde in gheestliken dinghen
 salmen mitten Rector die officie sacken ende besorgen
 myt al sulken susteren die daer bequeem to sien te bedware.

Item. **I**s oer to weten datmē cenre suster meer officie
 ende dienste mach beuelen dan een. als oerbaer is. dūt ghe
 noemen die officie der suppriorynscap ende procurater scap.
 Op dat hem die anderen volcomeliker tot gheestliker oef
 fenyngē gheuen moeghen. **A**lisset dat die mater ho
 er sorghe den anderen mededeelt. **N**ochtant en sal sie die
 sorghe van tijtliken ende gheestliken dinghen niet te myn
 mede draghen die susterē te leren ende te raden gheestliken
 ende tijtliken voort ganck. **E**nde die susterē die
 beueel hebben sullen somtijt mitter mater spreken. opdat

sie hoer dingen te bet doen moeghen na gehoersamheit.

Ite die mater en sal gheen groete dinghen verwoepen of
 veranderen sonder consent des Rectors. ende der xxiiij.

Sie en sal oer tot hoerre behoef niet eyghens hebben.

T Die ghiften die den cōuent aen coemen in golde of siluer,
of in gelde die salmen brengē tot ter Mater, op dat sy myt
den Rector daer mede ordinier tot ghemeyn ouerbair dees
huyses. Ende ist dat procurator sche daer van ontfeenge
soe sal sie daer reken scap van ontfangen. **C** Itē wan
ner der Mater van buten van luden beualen wort te be
waren gelt, of enich ander dinck, dat sal mede wetē die
Rector, Supporyne, ende Procurator sche, ende die suster
die den sloetel dreect. Ende dese dinghen machmē niet
vutdoen of afhendich maken sonder consent der gheent
dier daer ghelecht hebben, ende myt rade der vourghenoe
der personen. Mit welken psonē die mater in ghemey
ne cleynē dingē of in veranderē der officie hoerē raedt
hebben sal. **T** Die Prooryne, en Supporyne mit
ter suster daer to ordinieet sullen hebbē ende bedwaren
die sloetelen vander kysten des Conuents dair drie ver
scheiden sloeten myt sloetelen verscheiden aendwesen
sullen. In welken kysten des Conuents bueuen Segel,
ende alreley denodien mitten gelde dat totter procurator
schen officie niet en hoert sullen bedwaert warden.
T Itē. Ist datmē bueuen mit des cōuents seghel besege
len sal, dat sal geschien in teghewoerdicheit des Rector

tours, ende vierē dwyntich susterē. Ten waer wat cleens te besegelen als mechtighes briue of dier gelick datme doen sal, in teghenwoerdicheit der psonē wirgenoeempt.

T Die Priooryne en sal sonder consent des Rectors ende drien susteren voorghenoempt nyemant gelt lenē, tot enē mael of by delen, bauen vyf rynsche gulden. Myt desen voorge moempt sal sie oec eens des iaers als omtreent alre heilige mys sprekken nuttē Rector vande ghemeynē staet des huys als vander wandringhe ende voert ganck der susterē, van hoere eendracht ende vrede. Ende van den staet, ghebreck of vording tijtliker dingen. Op dat een yghelick die officie hebben te bet to sien. **T** Die Priooryne noch gheen susteren sullen aenemen yements testament te vten.

C Ghene Priooryne noch dat Conuent sal laue vor yemants scholt. **T** Gheen Priooryne en sal briue seghe len in hoeren naem ende des Conuents, sonder wil des Conuents ende des Rectors. Ten sy in cleynē saken mit raet des Rectors ende der drier susteren. **T** Die briue die den Conuent ghesant werden, en sal sie niet op doen, noch lesen, dan inder teghenwoerdicheit des Rectors, is hy by huys. Der suppriooryne procuratersche, ende der older suster, of die Rector niet to cryghen en waer. Die mater mit wille des

Conuents en mach hoer noch dat couent niet verbindē myt
enighen psonē of saken sonder wil des Rectors by scarpe cor
rectie. ¶ Die Mater sal bewaren, dat sie die doet hoerre
susteren doe te weten doer ander couente. ¶ Die mater
en sal niet hengen in gheenre wys den susteren, noch die
Rector gelt to weruen voer hem seluen, to gebruiken, voor
boeken, spys, dranck, cruyt, cleder, of der gelick. Mer wort de
susteren gelt gegeuen, dat sullen sie van stonde aen bringē
den ouersten. Ende hebben sie wes noet sullen sie oetmoede
lick begheren vande ouersten, ende die ouersten sullen hem
dat verweruen ist dientlick of noet. ¶ Die Mater en sal
oer ghenē susterē to draghen oerlouen, vutghenoemē die pro
curater sche bynen of buten, ende die sचेer suster, sonder
consent des Rectors om enyghē sonderlinge nutticheit.

Vander Suppuzyme, Ca. y^m

Die Suppuzyme salmen kiesē by rade der ouerste
ende der xxiiij susteren, of des meeste deels. Als sie
ghemeren is compt sie voer den ouersten ende begheert dat
mens hoer verdrage. Ist dat die ouerste niet verdraeghen en
willen, sal sie oetmoedelike volghen ende begherē der suste
ren gebet. Ende voert aen sal sye die ierste wesen indē luy
teren choer. Ende wāneer die Mater sieck is, ende oer officie

niet volbrēngghen en mach. of niet by der hant en is. het sy indē
 choer of inden reuenter. of in andere steden. soe veruult die sup
 priozyne oer stede. Ende dan soe en leest sy niet. noch en dient
 inden reuenter. Mer ist oer dach to lesen soe sal sie dat eenre
 andere beuelen. **E**ste in allen andere dingghen sal sye
 hoer hebben als een ander suster. **V**ste alsoe lange als
 men die Mater vinden mach. soe en hoert oer Suppriozyne
 niet toe. yemant orlof te geue. wat merkelys to doen. Mer
 machmē die Mater bynē den pant niet vryden. soe mach sie
 in deynen dingghen orlof gheuen. als to spreken myt enigher
 suster of der gheliken. Welcken orlof sie nochtant niet meer
 te swaerheit gheuen sal dan die mater plecht te doen.

Ist dat yemant van der Priozyne of Suppriozyne of van
 eenre ander die officie heft yet bede. dat sie hoer niet en gheue.
 biu sie daer na van hoerre een. soe en sal sie niet verstrygen
 dat oer dat die ander ghedweygart heft. **I** Der Suppriozy
 ne hoert toe der Priozyne te vermaenē daer sie berispelick of
 versumel is. dat sie seluer ghemerckte heft. of van andere
 susteren ghehoert. Nochtant sal sy sie voer die anderen ont
 schuldighen waer sie mach. Anders en sal nyemant vande
 susteren hoer vermeten vander Priozyne achterclap te doen.
 of by hoer seluen to berispen. Die mach nochtant der Sup

prozynne of der procuratersche, of oec der Prozynne myt anxtē
en werdicheit oetmoedelick te weten doen, heft sye yet berispe
lixs aen hoer gemeret, of yet dat wzueghens wert is. Ende ist
dat sie dicke vermaent wort ende hoer versuempt te beteren.
nochtant soe en salmen sie niet wzueghen int couent. Mer
men salt openbaeren den Rector, ende is dat sie sych dan niet
en betert, soe salmē dan oec den disitoers als mē visitert to hē
ne gheue, op dattet ghebeteret werde. ¶ Die Supprozynne
sal tot elken Jaur na paesschen vordē ouersten absolucie be
gheren. Nochtant machmē sie op anderē tydē absolueren
als den ouersten guetdunct, myt rade somigher susteren.
Als die Prozynne vandē couent is, is dan die Supprozynne
oec niet teghendwordich dan secht die ebdomedaria, Fidelium
Confiteor, Ende Adiutoriu. En ghyft die benedictie Ende
doet die ander dinge die hoerē tot den dienst gades. Mer noch
tant doet die oldeste inden choer die teykenē ende ghyft orlof.

Vander Procuratersche, Capit. Tertium.

Die ouersten des Couents by rade der susteren die
daer te gheordiniert syn of des meesten deels kiesē
ende setten een goddienslughe wetende suster professyt tot
eentre procuratersche, die doechtlick ende eersamlick hoer heb
ben kan tot den luden van buten, ende van bynnē indē con

uent. Tot welker alle ander officie hebben hoere toe ganck
 In allen dinghen die hem noet sijn. Tot hoeren ampt hoert
 sunderlinghe vlitelick to scriuen. Wat sie ontfanghet ende yet
 gheuet. Ende alle die Kenthen des cloesters. Ende wes coempt
 vander susteren arbeit hoert hoer to te ontfanghen ende te scri
 uen. Dese sal een ghemeyn op sien hebben op die dinghen van
 buten. ende ofter yet bynnen der weer wat vergandlick weer.
 sal. sie der Mater te kenne gheue. op dat die Mater mitte Rector
 daer van spreken moeghen ende laetent verbeteren. ¶ **I**
 datter yet groetes of bouen ghedwoente te doen is soe sueke sie al
 toes raet ander Prioorynne. Sie en sal hoer niet vermetē yet
 wat groets of oer bouen ghedwoenten te gheuen dan myt orlof.
 In almissen to gheuen salmen holden die ghemeyn manier
 en ghedwoente. ten weer by orlof anders wat te gheue. Sie en
 sal gheen gelt van buten lenen sonder consent der Prioorynne.
 Noch sie en sal ontfangen in oerre bewaringe gelt. noch enyge
 costel denodie sonder consent des Rectors. Maters. Priooryne.
 ende der older suster gelick als vander mater voir screuen is.
 Sie en sal niet lauen noch borze werden voir yemants scholt.
 Sie en sal die scholt des cloesters niet lange late onbetaelt.
C Tot hoerre officie hoert. dat sie maene ende ontfange. doer
 hoer of doer die suster diet buten verwaert of doer yemant va

den knechte dient die ouersten beuelen alle die renthen des cloes-
ters wen dat sy coemen. ende dort betaelen en gheuen eenē yge-
lick als dat behoert. ¶ Gheenre wys en sal die Rector noch
Prozoyne noch Procurater sche vutdoen enyghē erfuisse of
lant. bouen ix of x iaer sonder consent der xxiiij susteren.
¶ Gheen suster en sal scryne noch kiste hebben myt sloetelen
behaluen die procurater sche. of dient noet is van hoerre offi-
cie weghen ende dat myt orlof. ¶ Alsoe dicke als sie gheers-
scher wort vandē ouerste sal sie rekenynge doen van al dat ho-
er beuoelen is. ¶ Sie sal oer alle susteren die officie hebben
bliuen laeten in al sulken maniere ende wysen als dien sus-
teren die ouersten beualen hebben. den waer dat enich ghe-
breck geschiede in enyghen officie welck mē den ouersten
sal te kēne gheuen. Sie sal oeck hoer gheuen tot inghekiert-
heit. hoer ghetijden mitten susterē te holden. soe veel als sie
mach. to sytten mytten susterē. ende hoer arbeit te doen mitte
anderē als sie vander onledē afbreckē mach. Oer to swyge
in steden ende tijden. soe veel als in hoer is. Sie sal sonderlin-
ge mitten susterē vryntlick ende mynlick omgaen. Eens
anders trancheit sachemoedelick te onderuangen. Sie sal
oer seer sochjuoldich wesen den ouersten altoes ghetrou to syn.
In woerde ende bedwysinck der wercken. anders solde hoer wan

deringe onder den susterē seer ontsthyctich wesen. ¶ Ende
 weert dat veers wesen moet. sie ver sumich of te milde of weder
 spānich en eenpessich tottē ouersten gheuondē worde. en dicke
 vermaent worde en hoer niet en beterde soe sullen die ouerste
 een ander setten in hoer stede. en lactē sie comē tot hoers selues
 selicheit ende vorderingē en sorge die der anderē niet en can ghe
 doen. **C** Die procurater sche sal eens des iaers omtrent
 sunte aertē in dē wynter reken scap doen voerde Rector. Ma
 ter. en doer die xxiiij. susterē. van dien dinghen die sie ontfange
 heft ende vutghegeuen heft. Ende vā allē schulde die sie schul
 dich is en diemē hoer schuldich is. Ende viddē absolucie van
 hoerre officie. Die ander susterē die officie hebben en beghere
 gheen absolucie. vutghenoemē die Suppriozyne woir de ghe
 meyn susterē. En die ander officie sicken die ouersten myt
 raet sōmiger susteren alst dienē mach.

Vander kelre waer ster. Capit. iij.^m

Die suster die den kelre bedwaert sal die wyl wesen byder
 koeken ende bydē kelre. op dat sie bedwaer broet ende
 bier. ende ander dinghen die inden kelre syn. ende dat gheuen
 dies to doen hebbē. vā den dat hoer beualē is. Deser suster hoert
 toe dat sie goedertiere ende verduuldich sy. op dat sij den susteren
 sander mūrmuracie dienē mach. Ende sie sal besorghē datme

16
te tyde bakke ende brondwe. Sie sal oer sochtuoldich wesen doer hoer of doer een ander dat dat coern verwoorpen werde en reyn gheholden. Sie sal doe procurater sche vermanē wes der noet is. dat men te tyde verwerue. Ite gheen suster en sal sonder orlof gaē in die koeke of inde kelre die die kelnerste bedwaert. Durghe noemen die Mater. Procurater sche die schel suster diet sloet be waert wāner sie yemant butent cloester drincken brunt. Ende die sieck waerster alst noet is worden siecken. Ende die koecken susteren. Alsine somighen officie den susterē beueelt soe salmen om vlytlick lerē dat sie die dinghen die hem beuolen syn doen nade statutē. of men sal hem die manier hoerre officien scriuen of seggen.

Vander koecken waerster. Capit. v.^m

DEn sal een gode trouwe handige vorsichtighe ende mynlike suster sacken totter koecken die onsen lieue heren trouwelick soeken sal. en des huyses oerbaer. welcke toesien sal dat alle dinghe profitelick. reynlick. en bequeemlick ghehauent ende hantiert werden. dat den couent ghene schade by hoerre versumenisse en gheschie. Die suster sal somtijt spreken mytter procurater sche en nemē raet inden dingen die hoer noet syn totten gemeynē oirbaer. Sie sal mynlick ende lytsamlick met hoerē mede susterē ende ghesellinnen

oonghaen. Ende mitten gemeynē susterē myt alre beschedēheit
 enē yghelick gheern behulpedick ende goedertieren te syn na
 vermoeghen der ghehoersamheit eens yghelick noetdrufft aen
 te sien. Dese suster mach groeten oerbaer doen den cōuent mit
 wer siennicheit of oer groetē schade als sie niet radich noch droet
 en is. Sie sal altoes dencken. wes sie den susterē doet vut ghe
 hoersamheit. dat sich onse lieue here dat seluer aentrecht naet
 heilighe euangely. Ende alsulken susterē die der ghemeynte trou
 welick dienen werden mede gheoelt alle werdiensre ende goede
 werken der susterē. Daer om sal mē der susterē dienē myt alre
 mynlichat. recht of mē onsen lieue heer in syn ysoen seluer dien
 de. ¶ Die vroususter ende baester. of die waester siche of an
 der gelike officie sullen oer altoes doen als om beualen wert
 vandē ouersten. Sonder orlof gheen dinghen te veranderen.
 mer sullen bliuē by goeden olden gewoentē. Sie en sullen oer
 gheen susteren halen vut hem seluer. of die sy begherē. meer
 alleen die gheen die om die Mater toschiet. ¶ Men mach oer
 weel mer dan enen dienst eenre suster beuelen. op dat die ande
 rē te bet bliuen op hoer handwerck en gaoe onbecōmert aen hā
 gen moeghen. **Vander Reuenter waester. Ca. viij.**

Die officie der reuenter waester beueelt men yemant
 vandē susterē die daer to dient. Dese hoert to die

tafelen toe bereiden. des merghens en des auonts. broet ende bier
daer op to setten. **I**te water to halen int lauoer. Die kenen
sal sie oec dicke wasschen of doen wasschen. of sie to oimpas
voer. **S**ie sal oec besorgen dat die tafellaken en die dwelen bei
de inden reuenter. en by dat lauoer verandert werden. alst noet
is. **W**ert daer yet besmet dat sal sie doen wasschen. **S**ie sal oec
die candelaers besorgen. diemē indē auēmael des wynters dē
susterē voer settet. diemen alsoe setten sal. dat die susterē be
queelick sijn moeghen. ~~diemē alsoe sette sal dat die susterē~~

Düncket den ouerste dientlick soe doet een yghelike suster
hoer weke nae ordinācien mitter reuenter bedwaerster die spys
se aentodraghen ende af te nemē vandē ioneste opwert. of mē
setter dwe toe diet doen moghen. **C** Des vastedaghes sal
sie drenckē schencken ter collacien. **W**y vermaenē dat
gheen suster en draeghe vā yemant. noch en onder sueke wat
men koecket. **N**och oec en versmade die spysse diemē int ghe
meyn bereit. behaluen die van noede en van siccten gedwon
ghen wort yetswat to eysschen. **W**ant te betemet met gheeste
liken leuen om die spysse te murmurieren. **A**ls onse regel secht.
Temet v vleysch in vastē ende abstinēcie der spysen. alsoe ve
le als v crancheit verhenct. **D**ie susterē die vandē ouerste daer
to ordineret sijn dat sie aendienē sullen. sullen altoes weten

die siecten der susteren dien men myt rade der **M**ater of der siec
 waerster wat sunderlinxs gheue sal. **O**er sullen al sulke
 siecke susterē te kenē geuen den kock of der aendieure sijn vā
 hoerre siecte en sytten by malcanderē op een stede daer to ordi
 niert vande ouersten buten of inder dasten op datmē hem
 bequeemliker aendienē mach. **D**ese sullen oer to sien datmē
 die dinghen die den susterē voerghesat werken ghelick dele son
 der vutnemen der psonen. ten waer dat die **M**ater om teder
 heit of siecte eniger suster yet anders beuoel te gheuen.

Sie sullen oer somtyt omē sien onder den eē of yemant
 yet ghebrake dat sy veruulle mochtē. **O**er of die **M**ater
 yet ~~van~~ wat hebben wolde. **I**st dat sie sien dat yemat
 vande susteren niet en yt vant gheen dat hoer voerghesat
 worde dat sullē sie der mater te kennē geuen. **D**ese susterē
 sullen deuotelick ende medelidelick sorghe draeghē vande
 siecken susteren. ende na dat die siecte meere of mynre is. en
 na dat sie konnē die dingē die om vā noer sijn verweruen.
Ende daer sjs niet en konnē sullen sie myt suetē gelaet
 hoeren goeden wyl toenē. **E**nde ghebreect yemant vande
 datmē int ghemeyn heft. dat sal yemant die daer by sjt dē
 susterē to kennē geuen dat sie dat veruullen. **C** Als sie
 voert richt vynster staen soe en sullen sie nyet vele spreken.

dan dat noet is, ende dat selue sullen sie spreke satelick en stil
lidick. Als yemant vandē dynre schen inder tyt der maeltijt
merdike confusie maect, sals die een kane of scotel briet of
vallen leet ende stortet of dier ghelick die sal come voor der
Mater tafel ende kneynen alsoe lange, tot dat hoer die Mater
een teyken doet dat sye opstae, ende kussen die eerde. **A**ysdoet
yemant vandē ghenē in gheliken dinghen die ter tafele suttē,
die sal venie nemē ende bekenne hoer scholt vluchtes als die
susterē opgestaen syn en onfangē penitēcie na groetheit der
scholt. **A**lle die tyt datter maeltijt is, of mē collacie drint
sullen hem die susterē neernstelike ware dat sie niet om en
sien, niet en lachen noch en screyen, of datter gheen onruste
en geschye. **N**och ghene stēme gehoert en werde, dan alleen
der lefester. **I**te men beueelt eenre suster daer dient to ver
waerē die vaten, en warm water ende ander dinghē diet noet
syn als men die susteren sceren sal, als men hoefoen of die
voeten wassen sal, of oec als men late sal. Die vate mitte
anderen reysscap oec weder op te vlyen. **I**tem inden
wynter oec vuer to bereide als noet is, ende na gedwoente, ende
in behoerliker stede. **Vander sieken waerster. Ca. vij.^m**

Die suster die die sieken bedwaert sal eysschen vandē
kelnersche, of vandē koekē susterē dat een yghelick

behoeft. Of heftmen noet yet van butē te halen salmē der
procurater sche te kennē gheue, op dattet besorget werde.

T Deser suster betceemt sunderlinge ontfermhertich te
wesen ende medelidich. **C** Dese sal oer dagelys, alsoe dicke
alst noet is die sieken visiteren. Ende datmē hem bereyden
sal te tijde bereyden na des huyses vermoeghen. Welcken sie
ken nochtant werdē vermaent na sunte Benedictus regel,
dat sye ghedechtich syn hoers op sers dat sie aenghenomen
hebben. Op dat sie die ghene die hem dienē niet en beswaerē,
in te eysschen omoegelike dinghen, of in to mürmürerē. **E**n
dat sie gedennen dat die sieken die inden cloesterē syn, onghel
lick wesen sullen die sieken inder werelt, gelick dat die gheson
dē schelen vandē werlikē ghesondē. **T** Wāneer susteren
sieck werdē ende dienst behouē, salmē sie int sieckhuys bren
gen. Op den doornpter salmē nyemant liggen late, ten waer
een ^{vur} of twee, die ghenē dienst behouen. Al sulken sieken moet
niemant to spreken dan als men dat ierst behaer wort van
eenre die hoer helpen sal, en ist noet spreken mach. **T** Men
sal seer verhoedē dat die siekē nyet versuempt en werden van
den susteren die hē dienē, want soe veel als mē kan salmen be
sozghē dat sie verlicht werdē. **T** Die sieckwaer ster mach al
toes spreken mitte siekē of myttē anderē, alst oubaer of noet

is vande sieken. ¶ Dese mach als syjs behoefc een suster hebbe die hoer helpt dienē inder sieken dien st. Dese sal altoes by hoer hebben een boeck van deuoeter materie daermen vut lese mach voer die sieken en̄ voor hoer seluer. Welck sie seluer of een ander doen sal. ¶ Der sieck waer ster hoert oer to als die siecte beghint te meerre dat sie dat der asater kundighe. op dat sie dan voor die siele suster int ghemeyn mach late biddē. ¶ Hoer hoert oer to die dinghen to waruen die totter cōmuniceringe ende tottē heilighen ampte noet syn. Ende totten doden te begrauen. en̄ na der groue elck dinc wedet to bringē op syn stede. Die ratele to slaen als yemant ter doet ghenact. ¶ Als die sieck waer ster na raet der asater. meret dat den sieken gheen noet en̄ om die siecte dicker te spreken. Alsoe lange als sie daer na indē sieken huys syn soe sullen sie dese edre hebben. Van cōpleren tot des anderē daghens na primē. ende on der die ghetide soe sullen sie silencū hebben. ter weer dat sie somtijt spreken mitter sieck waer ster. of hoerre ghesellynē om dinghen die noetdrustich syn. en̄ alleen dat hem noet is. Dee sieken die nyet to bedde en̄ liggen. die moeghē nyet lut tel woerdē spreken dat hem noet is auermaeltijt. ¶ Die Rector mach oer den sieken af nemen die penitencie van dē silencū te spreken alsoe lange alst hem guet dincet.

Ende die sieck waerster sal oec scidwen in dyn tyden sulke
 to te spreken of to vandē. sunderlinge na cōplete. ten waer dat
 noet saken anders eysschede. **V**etmē in capittel enighe
 ghemeyn gebede. of werden sie proclamuiert dat sal hē die
 sieck waerster kundigen. Ende mysooen sie erghens in. dat
 hoert hoer to hem to vermanē of te berispen. ende dē ouer stē
 doen to wete. beterē sie hem niet. of vermach die siecte. men
 sal sy late coemen uit capittel en vermanē sie voor die sus
 terē. **A**ls die sieck waerster dūncket dattet den sieken
 gheen noet en is langer int siekenhuys te wesen. sal siet der
 Priozyne te wete doen. dat sie tottē conuente ghaen en tottē
 gemeynē ghewoentē. **M**er behoeuē sye noch goeder tierēheit
 dat wort inder bescheidenheit der mater ghelaten. dat sye hē
 voor sie. of der sieck waerster beueel to voir sien. na dat hoer
 dunct dat een ygheluck behoeft. **M**er wāneer der ghene
 sieken en syn. daer die sieck waerster behoeft woer te sorgghen.
 soe doet sy en helt oer aerde als die ander susterē ende gheet tē
 reuenter. **G**heen suster en moet sonder orloff uit siekenhuys
 ghaen tottē sieken om te to te spreken. vutghenoemē die Prio
 zynne. **S**uppriozyne die procurater sche. en die den sieck diene.
Als die susterē liggen op hoer verscheidē toe wat tyde dattet
 is soe doetmē dat den susterē te wete. myt een teykē of ratel.

En als sie dat teyken ghehoert hebben soe lesen sie hoeren
Creden al ghaende totten sieken. Allet cōuent coempt int sie
kenhuys. en lesen al daer die letaniē. En leuet die sieke langer
soe lesen sie daer aen die seluē salmen. mitte xv grade sonder
Gla patri. En ist dat sie steruet onder den salmē soe eyndet
men den salm mit Requie. Ende sonder middel sullen die
susteren die cōmendacie lesen. dan voir die vigilie inder kerckē
ende ontfangen disciplinē. Mer waert sake dat die siecke al
sulck weer dattet den ghesondē hinderlick wesen mochte. soe
salmen die cōmendacie op die spinamer of inder kerken lese
mitten anderē datter te lesen is. En die Mater sal daer to drie
of drie of vier susterē to sieken die by al sulken sieken wese
sullen. als sie steruen sullen. om den sieken bystant te doen.
in vermaenynge. troestinge. of myt bespringinge mytte wy
water. of dat teyken des crucis te toenē na kerstendwyse soe
lange dat die siele vandē lichaem verscheye.

Vander cleder waerster. Capit. vij^m

Otter cleder waerster officie hoert alle der suster de
der willen ende linen. pelse mitten schoen en trippē
te verwaerē. Ende laken voir die cleder. Alle dese dinge sal
sie verwaerē ende ver scudden dat sie vandē motten niet ghe
gheten en waerde. Die geschoert of versletē syn die sal sie

doen maken. ¶ Dese sal oec na vermoeghē des huyses en
myt rade der Mater ende procurator sche enen ygheliken ghe
uen of besorghen dat hem noet is alsoe veer alst daer is en alst
dient. Mer die susterē sullen daer to sien. so dat sy gheen ouer
uloedige dyngghen en eyschen. en datmē hem gheeft neernsteli
ke bedwaren op dattet niet en verderue. Icē soe wie datter ghe
meynte schade doet of versuempt soe vele als een halue plac
ke weert is. die sal verghyffnisse bidde. voer die tafele ende etē
vander eerden ende noement wat sie ghedaen heft. Icē die sus
terē en sullen hoer clederen niet verwisselen sonder orlof. Noch
oock laten vermaeken sonder orlof in noetsaken. Mer die cleder
verwaester gheuet enen ygheliken na der tijt dat een behoeft.
ende neemt dat ander. Ende de cleder die sy ontfanct bedwaert
sy. ¶ Dyt willen wy enē ygheliken vermaenē dat in ghe
re wyls en betamet religiosen psonen enyck cleet to ver smae
den. om snoetheit of grofheit. Mer apenbaer onghemack
machmen oetmoedelick te kennē gheuen en begherent to ver
anderen. daert noet is. Want watinen ver smact om snoetheit
of grofheit is verdumelike houerdie ende gode seer misghaghe
lick. Die nemet der tijt waer wāneer men die cleder wassche
sal. ende besorget datmen die schone niet en wassche. noch die
onreynē niet en versume te wasschen. ¶ Gheen suster

sal wasschen enyghē clederē vullen noch linē dan myt son-
derlingen orlof. **I**tē sie sal oer by orlof der **M**ater altoes was-
schē die clederē en neme hulp by rade. **S**ie sal oer oetmoede-
lick ende simpelick alle clederē naven en snyden. of doen ma-
ken sonder enyghē sunderlincheit en synlicheit. der synlicheit
en curioesheit der susterē niet vol te doen. ¶ **I**tē die schoen en
truppen machmē eenre ander beuelen. **I**st oer doenlick soe
machmē dat officie vandē linē clederē eenre ander beuelen.
dese twee sullen doen asser geschpeuē is en hem beuoelē wort.
¶ **I**tē gheen suster en sal oer vermetē naeket te liggen slapē
sonder heempt of rocke. sonder hoefdoeck of wyele. **E**nde by
scarpe correctie sal nūmer suster slaepen byder ander op enē
bedde. ¶ **D**ie subtilen die sy draghen altoes op hoerē rocke
of pelsen sullen grofsachtich wesen. **E**nde des ghelikes hoer
hemdē die sie draghen naest hoerē linē. **E**nde die susterē en
sullen niet begheren te behaghen in clederē. mer in goeden
seeden ende goddien stighen werken. **W**ant als die pphete
secht. alle die glorie der dochter des conincke is van binnen.
niet van buten. **S**oe wat tot der suster slaepstede of tot de
dinghe hoert van wat grofsheit dattet is en sal achtē noch
Mater noch suster. **W**antmē alleen sueken sal coltheit vut
tedwerē ende nachtheit te bedecken. **W**ant seker ist dat allen

denoten gheestliken menschen to behoert oetmoedicheit der
 clederen snoetheit der worpenheit ende armoede alle der dinge
 die sie ouerbaere ende ghebruyken. Die mantelen sullen wese
 van groue swarte. Ende die ouerrocken van witten wullen
 laken. Welken costelheit salme soe matighe dat die drie ghe
 rompe ellen vande swarten ende veer vande witten niet en
 ghaen bouen die werde van ene franschen schilde. ten waer
 datter laken breder waer dan twee ellen. Die roeken en die pel
 sen sullen knopen hebben. mer die mouwen sullen wesen voer
 een wenich opgheslupt. Die ouerrocken salme alsoe maken
 dat sie niet en slapen op die eerde. mer twee of drie vinger briet
 hanghen vander eerden. beneden omtrent vyfste halve elle
 wyt. Die pelsen sullen wesen van scapē of vā lamere vel
 len. Die pelsen en die rocken sullen wael briet en vom we
 sen onder die arme. soe datme sie lichtelick vut mach trecken.
In elke suster sal hebbē tot oere bedde twee laken. een
 hoftpulwe. een oerkussen. vutghenoemē die siecken. Deecken
 ende rocken ende ander clederē salmen hebben daer die rolde
 mede vutgheweert werde na maniere als gode oetmoedighe
 arme meechden betempt. **I**n wort yemant cleet of mes of
 dier gheliken ghegeue of ghesant. dūncket den ouerste diene
 soe machment eene ander geuen. binaemē weert dat die suster

daer enyghē synlike genoechde of curioesheit in hadde of soch
te. Ende dat selue dinck daer enyghē suster myt eghen scap
schynt aen to cleuen dat salmen hoer ter stont afnemē ende
quyt maeken. *Vander costersche. Capit. viij^m*

Die costersche ontfant vander hant der Mater by ra
de des Rectors die sloetelen. ende mitten sloetelen
die goede alder dinghen die in die kerke syn. aluen en casufelē.
Ende oec die boeken die hoerē totten dienste guedes. Ende ander
dinghen die ontfant sye by getale. ende teykent sie in een cedel.
Ende die dinghen die sie heft in hoer goede. die sal die Mater
oec hebbe gheteykent. op dat sye wetē mach. waer af dat sie re
kenyngē eysschen sal. als te doen is. Ende die costersche sal al
le dinghen die in hoerre huede syn myt groeter vlite bewaren
ende diderwyl besien ofter lichte yet gebreke of verderflick werde
mochte. Is oec indē clederen die totter kerken hoerē yet geschoert
versleten of anders to vermaeken. dat sal sie besorgen dattet
ghemact werde. Sie salt oec al reyn holden. ende dat onreyn is
sal sie doen wasschen als sie ierst mach. Sie sal oec neer steli
ke hueden dat die heilighe clederē als sie veroldet syn. niet ge
besicht en werden tot anderen dinghen dan allen inden dienst
der kerken. **V** Die corporalen sullen wesen vandē alre puer
sten ende reynsten vlasse. die salmē tsamen gheuolder vlietlick

bewaren in reynē scaynē of budelen. **A**lsoe vake als men cor
 poralen en die doexkens myt wilken die keliken en die vinghe
 ren der puesteren na der cōmuni sierunghe ghedroeghet werde.
 die sullen by sonder in een vat datter to ordiniert is ghewas
 schen wardē ouermits enē puester. hoer ierste wassinghe
 ghetmē int loepende water. ende die andere in een reyn stede.
Cite. des goeden donredaeghes sal sie die kelike wasschen
 laten. **D**es manendaechs na paesschen sal sie vermaenen
 den Rector vādē heilighen oly. datmen dien besorghe. **T**ot
 ter costersche hoert oly ende was totten ker sen der kerke vāder
 procuratersche te crisschen als sy niet en heft. **D**ie ghemacte
 ker sen te bewaren. die lampen des choers te bewarē. **E**n die
 cloeke te smeren. **D**ie wasker sen ende ander ker sen te makē
 of doen te maken. **E**n daer vā aentediēē alst noet is. **S**ie
 sal voorhueden dat sye niet ouerenghae dat ghetal of die
 groetheit der wasker sen inder kerken bouen ghewoente of
 noet. **I**n dese manier machmē holden mitten ker sen te ber
 nē. **I**n dē solēpne feesten tot ter vesperē en mettē en by sonder
 totter meester missen machmē vier ker sen setten. **I**n mer
 ren dubbelden feesten. **E**nde in dubbelden feeste sal men ter
 vesperē. mettēē ende ter meerre missen. **E**nde ghemeynli
 ke in allen conuents missen dwe wasker sen opt altaer sette.

In den feften van ix leeren bynnē die octaue van passchen ende
pynxteren. Ende in die cōmemoracie der seiligher ioncfrou
wen. ter vespere ende ter mettene wort alleen een waskerse
opt altaer geset. ¶ Een yghelike waskerse en sal bouen
een pont niet wegghen. vutghenomen die paeskerse die bo
uen vyf pont niet wygghen en sal. ¶ In die hochtijt der
wijnghē der kerken werden aendē wandē xij waskerse
ontsteken totter vesperen. metten en ter meester missen.
¶ In der feesten der wijnghē des altaers. Ende in die pīci
pael feest des patroens des altaers. wort ter vesperē ende ter
metten een waskerse opt altaer gheset. Mer te missen opt
schue altaer dwe kerse. ¶ Die principael feest ons pa
troens als sunte Agnetē dach die salmē hoetlyke celebrē.
Die sal oec besorghen datmen onder die misse ende inder
vesper vier hebben den wirock mede ontfengē. Ende in den
wynter daer sich die priesters by wermē onder missen.
¶ In der gebuerte ons heren salmen ter ierster vesper ludē
dat ierste teyken to dween vren. Ter collacie des auonts to
vier vren. nader collacie singet mē cōplete. alsoe dat die sus
teren. to sees vren to dormpter ghaen. Des nachtes luytmē
dat ierste teyken ter metten to dweeft vren. ten waer datmen
mette singhen solde soe luyt mē dat ierste teyken to elf vren.

Naden middaghe moeghen dan die susterē slaepen een vze
lanck. Des ghelicks opde palin dat ofinē mette songe.

V Die costersche sal ten mynste na gewoente die kerke en
die heilighe stedes des iaers dwy schoen maken ende keren.
myt hulpe diemē hoer ghijft. **D**at choer sal sie dicker reyni
gen laten alst te doen is. **H**oer hoert toe des merghens en
ouer dach waer te nemē te tijde totten dienste gnds te luyden
die teykenen. **S**ie sal ter metten, ter primē, ten ghetijde voer
die hoemisse ter vesper ende tot complete dwerf luden.
Mer in meerre dubbeldoe freste en daer bouen salmē ter bey
der vesper ende ter metten dwerf luden. **I**n ghemene tijde
luytmen des merghens dat ierste teyken te vier vren. **E**nde
dat ierste teyken te primen luytmen to viuen, dat ander
omtreent seste halue. **T**er missen luytmen na den dat dwy
puesters hebben. **T**er vesperen dat ierste teyken to driuen, en
dat leeste to vier dehalue. **A**lst vastelaghe syn luytmen
dat ierste teyken to vierdehalue, dat leeste to viuen. **E**nde
tot complete dat ierste teyken na sessen, dat ander na de auer
mael of na collacie.

Vander Cantrix Capit. ix^m

Otter officie der canter sche hoert alle tijt die tijde
te teykenē, diemen teykenē sal. **I**n allen darne

van twee singhen sal. sal sie ordinieren na raede des re-
tors susterē die ghelicke stemē hebben. Verwandelt sie yet
inder tafelen. na dat sie gelesen is. dat sal sie te tyde te wetē
doen dien die sie verwandelt heft. ¶ **M**ach yemant niet
volbringhen daer sie to gheordineert is. die salt der canter-
sche to weten doen. dat sie een ander ordiner. Die wat sin-
ghen of lesen sal inder kerken soelent to voerē ouer sien be-
houē sijn. of men sal sie corrigeren. ¶ **I**ster yemant niet
teghenwordich van dien die in de tafel geschreuen sijn soe
hoert der canter sche toe hoer stede te veruullen. of een ander
to beuelen. Worter ghedwelt of ghedwuelc inden sanghe.
en in verheffinge of dael settinge des sanghes. en sal hoer
nyemant voerghaen. Ende dat sy iersten beghint. sal nye-
mant anders beghinnē. vutghenomē die priorzine. Valt
oer eyt haestelix te singhen of te lesen. dat nyemant son-
derlinghe beualen en is. soe hoert hoer toe. dat te beuelen.
¶ **T**ot hoer hoert oer toe te wysen die der tafelen lesen.
wat ende wāneer sie lesen sullen. Sie sal altoes to sien
dat ter tafelen gheen boeken ghelesen en werden dan die
ghedwoenlike olde boeken der leerres die vander heiligher
kerken ontfanghen sijn. Daer om sal mē gheen ydel ma-
terie lesen noch in daghen als men laet noch in ghenē ande

ren tijden. In den groeten hoechtyden leestmen ierst der hali
gher vaders omelien Ende in anderē daghen die proper ome
lien. Mer des saterdaghes leestmē altoes die regel ten weer
datmen voer lese om enyghē feest of ander saken. Als mē
die omelie ghelesen heft leestmen voert vanden tyden of vā
den feesten na syn behoer. Die sal oec doen dien susterē te we
ten als men inden sanck om hoechtyden wyl of ander sae
ken gheringer of klamsemer synghen sal bouen ghe
woenten. **H**aestmē somtijt te seer of vertrectmen mer dan gu
et is den sanck of et lesen. soe sal sūt ter rechter maetē brenge
Doet sie yet ver sumelick in hoerren officie nyemant en
sal sie vermetelick berispen. mer men proclamertse inden ca
pittel. **D**ie canter sche sal oec sochtuordich wesen dat
men altoes dat middel holde indē sanck op dat die deuocie
meer verweect werde. Die sal oec die gheen vermanē die
alte haestelick of te lansem of myt horten singen of die al
te weeck syn under stemen. dat sie hoer stemē vut gheue.
Ende oec dat sie inden singen niet en vallen. Item niet
doer die nees en singhe noch aedvysich. In al desen pūntē
sal sie die susterē vaech vermanē of den ouer stē seggen.
Altoes sal wesen in elck choer een cantrix. ende een succē
trix. Men let somighen somtijt opheffen op dat sūt lere

moegen.

Vander Ebdomedaria. Capit. x.^m

Die ordinacie vander ebdomedarie beghint van den olften. Ende elcke weke soe wordet verwardelt vanden enen choer int ander. Ende wāneer dat getal der ebdomedarie om is. soe ghaet weder vander lester totter priorinne. al weer sie oer inden seluen choer. **U**s die ebdomedaria somtijt vandē choer. die gheen die hoer volcht in hoerē choer. die sal oer officie veruullen. **A**l wāneer dat sye sieck is of anders becōmert ende en mach sie van alder weeken. temael niet of luttel doen die ghē die hoer volcht int choer die sal hoer stede veruullen. en sie sal weder der stede veruullen gheneest sie soe haeste of comyt sie totte conuent. Ende wat wy ghesecht hebben vā der ebdomedaria des choers. dat salmen oer holden vandē anderē ebdomedarien.

Vander bedwaerster der boeken. Capit. xi.^m

Die bedwaerster der boeken behoert toe dat sie bewaerē sal alle die boeken des cloesters die niet en hoerē totte dienste gods. Ende die sal sie gheteykent hebbē elck by namē. Ende sy sal sie elcs iaers tweewerf of driewerf vutleggen en verluchte sie en sie sal vlite like besien datter niet verdoruen en worde. Die mater

sal oec in een redel gheteyken hebben alle die boeken die
 die bedwaerster der boeken heft in hoerre goede. op dat sie
 weten mach waer af sye rekenynge eysschen sal. als to
 doen is. ¶ Itē alle des cōuents boeken sullē gheteykēt
 wesen. myt des cōuents name. Ende die boeckē bedwaers
 ter sal daer to sien. dat sy alle die boeken teykene diemē
 buten leent. Ende den name des menschē dien sie dat
 gheleent heft. en̄ woe lange. Nyemant en sal sie boeken
 vutleenen sonder orlof der mater. Noch men sal oec van
 buten gheen boeken lenē sonder orlof des Rectors. noch
 ongewoentliken boeken ter tafelen lesen die rector en
 hebbe sie ierst besien. of die materie guet sy en̄ dientlick
 to lesen. ¶ Ghene onkundighen luedē salmē boeckē lenē.
 Die susterē sullen op sekerē tyden een yghelick een boeck
 bidde daer sye vut lesen moeghē vander boeckwaerster.
 als na der primē of na der missen als sie vutghaen seg
 gende. een luttel nyghende mytten hoefde. Een boeck. Een
 vandē susteren diet vander mater beuoelen wort bid boe
 ke voor die siecken. en̄ voor die ghene die nyet teghenwor
 dich en syn. Als die boeken bedwaerster niet teghewordich
 en is soe bidmē die boeken van ymant vandē olstē. of
 die men daer to ordiniert. Mer die suster daer men die

boeken af bid. die bid seluer vander mater isse teghendvor
dich. die Mater en bid nyet. **W**y vermanē datmen die
boekē myt alre sordjuoldicheit bedwaere diemē ontfanghē
heft vander bedwaerster. dat sie niet vul en werden vā stof
of van enygher onreynlicheit. **I**tē is yn enighen boe
ken yet onrechtes. of dat schijnt loghenachtich. salmē ierst
brenge totten Rector dat hyt ouer sie. eertment onder die
susterē yt meer coemē laet

Vander schersuster officie

En beuelt dat scherhuys' cenre trouwver voursichti
gher en goddienstigher suster soe langhe als die
susterē werken om gelt. **D**eser hoert to ghesellick en vrint
lick to sin totten susterē die daer werkē ende steticly vour die
werlike psonē. **D**ese sal oec besorgen inden werckhuysē
wes den susterē noet is. van reysscap in hoerē werken of
sal bestellen doer een ander. **E**heen susterē indē wer
ckhuysen sullē enich reysscap doen verwanderē of verma
ken dan myt rade der schersuster. **A**lsoe dat die schersuster
sal bestellen wes noet is te vermaken. **M**ourt der scher
suster wat ghedaen of gegeuē vour die werck susterē. isset
dranck weggē of dier gelick van spysen dat salmē brenge
int sieken of in huys of in die koecken. **M**er wort hoer cruyt

gedaen daer sal sie orlof te bidden en gheuet den susterē die
 voor de lude wercken. ¶ Die schersuster sal somtijt ghaen
 int werckhuys en besien der susterē verstaap ofter enich ghe-
 breck in is. Dec to besien der susterē werck offer wael ghe-
 maect wort. Ister ghebreck in sal siet der Mater te kennē ge-
 uen datmē betere of sie salt seluer vermaenē. ¶ Die scher-
 suster of hoer gheselline in hoerē afwesen. sal myt cortē woer-
 den den luden van butē voor hoer vynster antwort gheuen
 wes noet is tot hoerē officie. ¶ Queem daer yemant die anders
 wat spreken wolde myt hoer. soe sal sie gaen voor ghemeyn
 spreek vynster. en doen als die anderē susterē. ¶ Vort vynster
 int scherhuys sal nyemant spreke vande cōuent. dan alleen
 die schersuster of hoer gheselvyne ter noet. wes hoert tot die
 officie by scarpe correctie. ¶ Dese suster sal seer forchuol
 dich syn dat sie gheen scholt en make den cōuente. ¶ Wy
 wat to werken brenct. den sal sy seggen Onse ouerste hebbe
 inghesat dat wy niet borghen en moetē. dat gelt moeder sy
 als men dat doeck ontfanghen sal. Ten waer dat yemant by
 nē swol altoes guetlick pleech te betaelen. Nochtant salmen
 oer myt den ierste rekenē. eermē dat doeck volghen laer. dat
 sie wetē moeghen wat sye gheuen sullen. ¶ Indē nemē
 vande werken. sal mē raemē na dē payment. Ten waer dat

tet gary quaet waer ende broetsel daermen oer na nemē sal.
Als enighe susterē ~~van~~ int scherhuys noet hebbē to ghaen vā
hoer werkes weghen die sullen myt corte waerde oer baessap
doen. en gaen tot hoerē werck sonder merrē. **A**nders moet nie
mant int scherhuys ghaen dan myt orlof. ten sy dat die pro
curater sche gelt van hoer ontfangē solde. ¶ **V**out scherhuys
en voir die spreck huysē ende voir des slaetes voir. tottē trans
vander kerken is altoes silenciū stede. ¶ **D**ie scher suster mit
hoerre gheselline sullen raemē dat sie mede ghaen totten ghe
tyden en des merghens comen op die kamer totter lexie. soe
veel als dat moeghelick is. ¶ **A**ls die lude gharj brengen
to werken sal sie nernstelick teykenen wyent to hoert. **E**nde
woe dat siet willē ghewracht hebbē. **S**ie sal oer myt hoer
re gheselline toe sien dattet gharn der lude niet verwisselt
ende werde. **S**ie sullen alsoe settē dat die pypen of clouwen
vurde corue niet en vallen. **D**ie scher suster noch werck suster
ren. en sullen ghenē susterē garn in slaen. daer mē yet anders
van vermoet ten sy myt consent en beueel en orlof der ouerste.
Sie en sal ghenē susterē gūnē. noch die susterē sullen niet
doen vā enighe webbē der vrynde wat af te snydē ten sy dat
die vrynde der scher suster seluer beuelen. ¶ **N**och scher sus
ter noch procurater sche noch nyemant anders. sal van suster

ren gelt ontfangen in bewaringe mer men sal sacken totte
 ouersten dat sijt den doen sullen. ¶ Die scher suster sal al
 iaer als men doech rekenet. reken scap doen voor den ouersten en
 voor die procurater sche van allen dat die susterē ghemacht
 hebbe ende ghedwōnen. inden werck huysen des somers ende
 wynters. Wat sy ontfangē en ouer ghegeue heft. ende but
 ghegeuen voor reyscap ende watmē hoer schuldich is. ¶ Die
 scher suster sal oec de ludē van butē gheen seker tijt sette. als
 sie anders vermoet dat die webben niet rede kune werden.
 Die en sal niet verflagē noch cleemoedich werde als sie som
 tijt harde woerde vande ludē hoere moet. Sie sal dencke dat
 gode oec loen wesen sal int hemelrick want sy doet werken
 gehoersamheit. Want als leerres scriuē. alsoe vake set een mē
 sche sy siel vourde euenē mēsche. als hy sy gheestelike oefenynge
 achter laet. te verstaē vande genē die sich tot gode wert myt bedyn
 ghe en goeder oefenynge ghern kiere soldē. mer na der gehoersam
 heit anders wat vā butē doe moet. des hy ghern afwesen solde
 Doe veel te meer gracie en glorie sal mē ontfangē als mē sochtuol
 digher is in werke der heiligher gehoersamheit. En seer aenghenē
 is gode de mēsche die sich seluct oefent in verwynighe der ghe
 brekē. en steet na voerderinge der doechde. en dan noch smelicheit
 en verdwintick lydet vanden menschen.

- Hier beghint dat derdendeel der Statuten.
- Van ontfanghē en dleden der Nouicien. Ca. primū.
- Van insetten der Nouicien. Ca. ij.^m
- Vander professien. Cap. iij.^m
- Hoe hē die susterē hebbē sullē onse des Couēts misse. iiij.^m
- Vandē capittel der ghebreken. Ca. v.
- Van lichter scholt. Ca. vi.^m
- Van middel scholt. Ca. viij.^m
- Van swaer scholt. Ca. viij.
- Vander alre swaerster scholt. Ca. ix.
- Vandē aposteten. Ca. x.
- Vanden silencio. Ca. xi.
- Vandē arbeide der handen. Ca. xij.
- Vanden dormpter. Ca. xij.
- Vanden reuenter. Ca. xiiij.
- Vanden vasten. Ca. xv.
- Vander Collaciē en dranck aen te dienē. Ca. xvj.
- Vandē bychtē en cōigierē. Ende vandē scheren. Ca. xvij.^m
- Vanden laeten. Ca. xvij.
- Van ontfanghen ende dleden der Nouicien Ca. Primū.

Ons dunct goet datmē groete huede en nernsticheit
 sal hebben in die nouitie te ontfacen en in te setten.
 om dat dicke quade die gheen berispinge moeghe liden.
 ontfanghen werde ende mitte andere ghemengt. plegen
 swaer mayenisse te doen der religien en der oerde. en die goede
 die ghelaeten werden sonder goede in settinge. naden ontfan
 gen plegen te liyden groeten schaede in vortganck der oerden
Het wort den Rector en Priozyne of mater en Conuenie
der nonne ende susteren strengelic verbaeden dat se he dort
aen niet en vermeten teghen dat ghebot des Pauwes. meer
sustere te ontfacen dan sy sonder ghebreck moeghen voeden.
noch nyemant te ontfacen. noch laeue te ontfacen. onder een
decksell enygher becten. tot dat die stede ledich is. Ende doen
sie daer teghens. al sulke ontfanghinge sal niet wesen.
Ende nochtant salmē sy swaerlick corrigieren. ¶ **D**oe
 ontfanginge de psonē soe dunck ons dit onderscheit ende
 sochueloicheit ierst te holde. datmē om hocheit des geslech
 tes noch om richeit. noch om ghauen. noch om gheendinck
 dat hoert tot hoerheit tot gōrlicheit deser werelt nyemant
 en ontfac. Welkes gheselsaps quade seden. of der gheen
 re die hoer toe hoere. smdelic mochte wesen. den ghenē die ind
 religie sijn. ¶ **I**nden ghenē diemen ontfacen sal soe vermae

ne wy, datmen dair ierste aen mercken sal goede seden, en son-
derlinck dat sie syn sachtmoedich, seggelick en sedich, lyd sam
in berispinghen. Die onbekende, en die gheen ghetuuch myt
hem brenghen, die en ontfaen sy niet, eer dat sie hoer een halff
iaer gheproeft hebben. Het en waer dat die Rector en Prouy-
ne of Mater mytte xxiiij susteren die dair te gheordiniert syn,
of dat meeste deel van hem ordelden meer te haesten. Synne
welcker tijt datmen sy sal proeuen of sy stantachtich syn in hoe-
ren opset, en of se volcomelick versmaede die ydelheit der
werelt, in snoetheit der clederen. In oefenynghe des arbeids
en vernederheit. In bereyder gehorsamheit tot sware din-
ghen ende scarpes. In vutghaen haers eyghens syns ende
wils. In bewaring der silenciu en der rusten. In stadicheit
der heiligher lexen en des gebeits. In wael nemynge der
berispinge en der correctie. In wackerheit des wakens en
der abstinencien. In bereytheit haer eyghen sunde to belien
en apenbaeringe der betaceringe. In desen en in andere de-
ser gelick soe machmen proeuen, of sie volcomelick hem selue
en der werelt begheren te steruen, ende gode ten doert ganck
der hilygher religien te leuen. ¶ Men sal gheen kindere
bynne den slacte ontfangen sie en syn te mynsten xij iaer
olt. Ende men en sal nyemant cleden mitte habyt der heili

gher religien eer dat se ghenaken haerre deurtijn iaeren. **V**an
 den nouiciē soe en salmen niet eyschen cleder noch anders veet.
 op dat die gheen die dat eyschē niet en dal in die sentencie des
 bans. **E**nde die **P**rioryne verliest haer Prioryn scap. en die
 procuratersche hoer procurater scap. ist dat sye eyschinge of
 scattinge te werck laten coemen by oeren weten. **A**ls dā
 den susterē van yemant goet dunct. datmē se totten habijt
 de religien ontfanghe. soe salmē hoer die regell en statuten
 voorleggen. op dat se weet onder wat statuten en gebacden dat
 sie haer gheuen wil. **E**nde ist dat sie om gheen vrese der strē
 ghicheit gekiert en wort van haeren opsat. soe salmē se pro
 uen of sie kan en mach lesen ende singhen. **D**aer om sal
 men sie daghes ende nachtes stedelick te choer latē ghaen.
Men sal oec neernstelike proeue of se ict swaer is. **E**nde mach
 mē daer gheen sekerheit van hebben. soe salmē sie soe lange
 laetē beiden. dattet sekerde wardē. **D**aer na alst goet dūct
 soe sal sie van eenre suster vermaent werden dat sie bidde om
 dat habijt der religien. **E**nde op den dach die haer gheset wort
 soe sal sie comē int capittel. ende sal nederuallen voer der
Mater voete ende als die **M**ater vraghēt wat biddestu. **E**nde
 dan sal sie soe liggende antwoorden. **I**c bidde die ontfermher
 ticheit goedes ende v suster scap. dan staet sie op totten ghe

baeden der mater. **V** Ende men vraecht haer voir hem alle.
ist dat die ysoen niet kundich is. of sie vut enygher oerden
geghaen is. Of sie vrij is. Of sie enygher man trouwe ghe
laef heft. Of sie verbonde is myt enigher laeste. Of sie ge
noech ghedaen heft van daeghe of van scholde. Of sie enich
ander hunder heft. waer om dattet ghen ouerbaer en waer. ha
er to ontfangen. Ende als sie tot allen desen gheandwort heft
Soe salmen hoer ten iersten bewysen die swaerheit der oerde.
Ende wat moyenisse en bearringe daer in noet is te verdraege
In bedwynghen des eyghens wils. ende die ghehoersamheit
te vervullen. En men voirlecht hoer oeck ander dinge die in
der oerde swaer en scarp sijn. en men vraecht hoer of sie tot
allen bereyt sy. om haer salicheit. ende dat sie voir hem allen
haeren wille apenbaer. En ist dan dat sie onuerueert andwort.
dat sie haept alleen van der goedertierenheit gaeds. en ouer
mits den ghebede der susteren dese dinge te vervullen. Doe ant
wort die Mater. Die here gheue v alle dese dinghe te vervul
len. op dat ghy ten ewyghen leuen moete coemen. En dat Con
uent andwort Amen. Ende dan knyet sye neder vou der Pu
orzyne doete en sie lecht hoer hande te samen tusschen der Pu
orzyne hande. En die Puorzyne secht van gaedes wegen ende van
onser weghen. soe ontfangen wy dy. ende verlene dy onse ghe

selſcap. Ende die ſuſter ſal beſcheiden voir hem allen dat ſye
 wil holden vryheit vut teghaen voir hoer profeſſie of ſie
 wil. En als ſie holdet vryheit vut teghaen. ſoe ſal oer die
 Prorzyne beſcheidē mittent Conuent. dat ſie vryheit holden
 hoer orlof te gheuen. iſt dat ſaek dat veers moet ſyn dat hoer
 wanderinge hem niet en behaechde. En dan ſegt hoer die Pr
 orzyne enē dach wāneer dat mē ſie cleden ſal. En is ſie bluch
 tes niet bereit ſoe ſetmen hoer een ſeker termyn wāneer ſie
 coemen ſall. en compt ſie dan niet. ſoe es en is dat Couent aen
 hoer nyet verbonden. Daer en tuſſchen ſal ſie hoer ontrōme
 ren van ſcholde en van anderē dingen die noet ſyn ende bete
 men ſoe veel als ſie mach. ¶ Als dan naect den daghe dat
 men ſie cleeden ſall. ſoe ſalmē ſie vermaenē dat ſye den Rec
 tour bychte al hoer vourleden leuen herfs ſyes nyet ghedaen.
 Op den dach alsmē ſie cleden ſal. als die ghetydē vut is die
 gaet voir des Conuents miſſe. als de priester ſtaet voir den
 graet des altaers. Dair lecht ſie hoer neder diemen cleden
 ſal voer den graet des altaers. Van doetmen als ſteet indē
 boeke der cedinge. Men doet hoer aen een ſubtyl ſonder
 moudwē alle die tyt dat ſie nouicia is. en ſie heft die leeſte
 ſtede. ¶ Die verſicule heft ſie in hoerē choer Die cedin
 ge mach doen die Rector. Mer die profeſſie of wilinghe

salmen doen by enen visitoer.

Van in settinghe der Nouicien. Caput. B. c. viii. x

Als die nouicie gecleet is, dan sal sie alle hoer dyge
ist dat sie yet heft der Priozyne ouer gheue. Ende
niet sye. Oer die Priozyne of den siet beuelde die salt hol
den. ¶ Men sal sy beuelen een vanden susterē van goede
ghetuge die sie neernstlike sal leren nygghen, en vā gaen
ende staen, en van allen hoeren seden, en woe dat sie hoer
hebben sal myt neder gheslaeghenē ende behueden oghen.
Ende dat sie stillic ende niet haestelick spreken en sal, en
dat sie in al hoeren seden een teyken der oetmoedicheit toene
en bewysen sal. Ende sie sal hoer leren lesen ende singē myt
hogher en syder stemen als die tyde eyschen, en wat sye int
apenbaer doen sal, dat sal sie inti heymelike voir oure meys
tersche besoecken en leren. ¶ Sie sal hoer oer lerē hoe dat sye
spreken sal ende dat sie Keuerencie hebbē sal tottē Priozyne
en tot allen anderē susterē. Ende sunderlinge sal sie hoer ver
maenē, dat sie hoer pyne hoer werlike seden en gewoenten te
verwandelen int beter, en dat sie hoer pyne te beschreyen hoer
sunden die sie ghedaen heft, myt oetmoedigher bycht. Ende
dat sie hoer pyne te bedwynghen hoer ghespreke en hoer vleis
like begheerten. Ende dat sie hoerē wille ende raet om dat

goet der ghehoersamheit pynne to doden. En dat sie hoer pynne alle oetmodighe dingge ende snoede. en allen arbeit gheern te doen. en alsoe een nye mensche in chusto te werden. Ende op dat sye dyt te bet vercryghen moeghen. soe sal sie als doet der werelt ende hoers selfs van ghenē vutwendighen dingē des huyses hoer in enygher wijs tonder wynden. mer sy sal alleen sueken gade te leuen. Ende sie sal pynne te wesen een sochduol dighe bedwaester hoerre consaencie. Ende sie sal vlyen le dicheit. en bibliuende wesen in heilighen lexen en ghebeden. en in cōpunctien en rou des herten en selighen ghedachten. of oet handwerck te doen na der ghemeynre insettinge als hoer beuolen wort. Of te leren die dingge die hoer dienē moeghen totter ghemeynre insettinge ghedwaerre religien ende tot gheestliken voertganck. Ende na raet ende leeringe hoerre meyster sche sal sie hoer in desen dingē wyne. Ende op dat sie hoer te sechliker mach raden. soe sal sie dicke hoer becringe ende die heymelicheidē oers herten en al hoer wanderinge oirre meyster sche didwyl apenbaere. Sie en sal oet niet hebben dat sye der Priorinne of hoerre meyster sche sal willen verhueden. Sie en sal hoer seluen nyet menghen in die medespraeke of werke der anderen susterē. Mer sie sal hem alleen eer bedwysen. ende sie en sal vutschemelheit nauwe dorre sprekē vor die anderē.

En tot dien datmen hoer vraecht sal sie leren met sœmelre
anxtuoldicheit oetmoedelick ende myt luttel woerde antwoor
den. Totten ghemenē Conuent daer hoer hoert teghenvor
dich te wesen en sunderlinghe inden dienste gaeds beide des
nachtes ende des daghes. sal sie oirwennē myt alre wacker
heit en vuricheit des gheestes deuotelickē te tyden to roemen.
Hoer meysterliche sal oer dicke oer daghelix wanderinge
mecken of sie yet meer of myn doet dan sie solde op dat sy se
hemelike berispe en leer alst noet is. Ist dat sie yet mysdoet
daer sie ynt capittel of berispet solde werde soe proclamiert
se hoer meysterliche. Ende soe alst int capittel ghewoentelick
is soe doet sy se voir myt gheboechden knyen of myt dael ghesla
ghenen lichaem venie nemē. Somtyt doet sy sie oer voir die
Priozyne ende voir die ander susterē venie nemen. en hoer ge
bet biddē om hoer beteringe en stantachticheit. En is der nou
tie vele soe helt sie somtyt myt hem capittel hem lerende
dat sie malcanderē van oeren gebreken proclamierē en als sie
proclamiert sijne venie nemen. op dat sie die oerde lerē holdē
ende die versumenisse scouwen. **W**en en sal ghen no
uicie ontfangen totter professie voir dat een heel iaer of mer
gheleden is. sonder orlof der visitoers en merclike saken.
Daer en bynnē en salmen haer gheen officie beuelen.

Steruen die nouitiē voir hoer p̄fessie. soe verleent men hem ge
nadelick datmen den doden professiden doet. ¶ Ende oer die
ontfanghen sijn en steruen voir die cledinge dien doetmē dat
selue. Mer den salter en leest mē niet van scholde.

Van professie der Nonnen. Capit. iij^m

HIs die tijt coempt datmē die nouitae benedien sal.
schijnt sie ontfandlick en blijft sie gestadich in te bid
den ontfermherticheit. Alst der Priozyne goet dunct soe ruyt
men sie in capitel. Ende als sie daer neder gheslaeghe oet
moedelick ontfermherticheit bid. soe ghyftmē hoer te kyse en
en wech te ghaen of sie wil. En ist dat sie volherdet te cloppe
soe ghyftmē hoer dat begherlike consent. Ende men secht
hoer dat sie hoer bereide tot der heiliger cōmuniēringē. ende
hoer professie scriue myt hoeren eyghenre hant. Ende en kan
sie niet scriue soe bidt sie een ander die sie hoer scriue. Nochtan
soe sal sie myt hoerre eyghenre hant dat teyken des cruces on
der scriuen. Inder mussē naet offertori lecht sie hoer neder
totten graet des altaers. en die cleder der professie by hoer die
men benedien sal. Dat ander datmē doen sal is gescreuen
int hantboeck. ¶ Dyt is die forme der professie. ¶ Ego
soror. Npmitto loci stabilitatē auxiliante deo perpetuā cōti
nentiā. carenciā proprij et obedienciā scđm regulā beati Au

gustini et secundāi statuta domus nr̄e corā deo et om̄ibus
sanctis. quorū reliquie sunt in hoc monasterio **S**omme
N. Priorsse huius monasterij. et sibi successuris. canonicē
instituentis. quod constructū est in honore beatissime Ag
netis virginis ac martiris **I**n presencia dñi. **N.** priors. **N.**
T **I**c suster. **N.** loue mitter hulpe van gade ghestadicheit
in deser stede ewighe ontholdinghe. deruinge eyghens goets.
ende gehoersamheit na sunte Augustinus regel. ende na sta
tutē onses huyses. vrouwe. **N.** Priozyne deses doesters en̄ udwen
nacoemelingen. die v wyelick volgen sullen voer gade ende
allen heilighen welker reliquien in desen cloester onthouden
syn. dat getymert is. in die ere der heiliger ionferen sunte Ag
netē martelersche. **I**n teghendwordicheit hēn. **N.** priores **I**n.
N. Die forme der onbeslaetenre is alleens. **M**er men leet
achter ghestadicheit in deser stede. **E**n salder aen seggen. **D**eck
loue ic aentenemē dat ewighe sloet als ic daer op gheeysschet
werde van mynē ouersten. **T** Die professyt syn holden
oir ordinācie int Conuent die enē yghelick ghift synē ingāck
inder oerde. **T**en waer dat die Rector of die Priozyne yemāt
om saken wil tot cenre tyt syder sette. **A**lyemant nochtant
al heft sie professie ghedaen en̄ sal stēme hebben in dē capit
ptel beneden achtyñ iacr al machmē om oefenyngē wil lan

*Item Hoe hem die Susteren hebben sullen
onder des Conuents Wisse. Capit. iij.*

Iden ghetijden ende missen des Conuents. sullen alle die susterē te samen wesen. dutghenoemē die om siectē of tederheit daer niet wesen en moegē. Dien officie beuoelen syn of enyghē wercke sullen hē nyet vermeten sonder orlof vā den choer te bliuen. Dutghenomē die procuratrix als te doen is. Moeghen sie om enyghē saken willen of noet gheen orlof bidden. soe sullen sie inden capittel venie nemē. ende die sake seggen. **A**ls men ludet dat teyken tot welken datmen te choer ghaen sal sullen die susterē achter laeten al ander dinghe. Waer sye oer sijn. en ter kerken haeste. van der tijt datmen dat ghetide beghint. hent dat al ghedaen is. sal nyemant dutten choer ghaen sonder orlof. en coemē ~~of~~ weder alst gedaen is daer sy om dutghinc. **I**tem Als men dat Introitus singhet vander missen steet choer teghens choer. Mer tot Salue scā parens. bughen sie hoer knyen tot enixa. Ende als die priester beghint. Glā in extelsis. kierē sye hem ten altær. Ende als die canter sche beghint. Et in terra. kierē sye hem weder tē choer. tot Adoramus. et to Susape deprecationē nostrā. nyghen sie totten knyen. Tot dñs vobiscū. kierē sie hē altoes totten altær. Totter ierster. Collecte nyghē sie diepe

of boegen hoer knyen. Totten anderen kiere sie hē tottē al
taer. Inden missen vāden vigiliē der heiligher. vutghenoemē
die vigiliē der gebuerē ons herē. Epyphanie. Paeschen. As
censionis en pinxteren. En ten weer datinē die misse vand
vigiliē des sōnendaechs songe. et oec inder misse der quatter
tempen. tot allē collectē vandē ferien behaluē bynnē die or
taue vā pinxterē. En die collecte. Deus qui trib^u pueris.
Ende wāneer mē des werck daghes vādē sōnendaghe of
vander feria misse singet soe bughen sie altoes die knyen
al en songe mē oec die ghetyde niet vā feria. ¶ Onder die
epistell. graduaell. Tractus Allā mitten versen. suttē sie hēt
totter repeticien. ¶ In merre dubbeldē fresten ende daer
bouē singhē dwe dat Allā. middel ynt choer. Afer inder tyt
vā paeschen wert dat and^e Allā vā dwen ghesongē. ¶ Als
men een sequēcie singt soe staetmē op byden eyde des leeste
veers. Als men dat Euangeliū leest staen sie ghekiert tot
tē altaer. En tottē tytel des dwangelijs teykenē sie hem mit
een cruce alleen. En tot Glā tibi dñe. nyeghen sie diep ghe
kiert tottē altaer. Als men Credo beghijnt kiere sie hem tot
tē altaer. hent tot patrē. Ende alsinē singet. Et incarnatus
est. bughen sie die knyen. tot. Et resurrexit. ¶ Onder dat
offertoriū suttē sie. Aft vut is staen sie op. ende kiere tē al

taer. totten eynde der Prefrae. ¶ **A**lsmen Sanctus singhet
 staen sie sonder leenen ghekiert ten choer. Daer na leggen
 sie hē neder hent totten ander. Per omnia secula. In welker tijt
 salmen myt groeter blyte ghekiert wesen tot deuocien. Daer
 na sonderlinge vermaent werden ghedachtich te wesen myt
 groeter aendacht ende meynynge des herte der waeldade on-
 ses verloesers myt welken sie moeghen hoer herte vurichlike
 ontfleken tot synre myne. ¶ **T**otter deuacie des lichaems
 christi. en des heilighen kelixs soelen sie myt alre werdicheit
 op die knyen aenbeden. Ende tusschen die twe deuacie soele
 sie ligghen dael geslaeghen. Tot Agnus dei staet choer teghet
 choer sonder leenen. Als dat gheyndet is kieren sie hem ten al-
 taer hent totter Collecte. Mer dat Coe singhen sie ghekiert
 ten choer. Totter Complende nyghen sie. of boeghen die knye.
 als voer secht is vande Collecte Mer inder vaste totter Collecte
 super populū. alsmen secht. humiliare capita vna deo. nyghē
 sie altoes. Totter benedictien nyghet choer diep teghet choer

Vanden capittel der gebreke. Caput Quintū

Dat capittel der gebreke salmē holden te mynsten
 ter weken eynde. als des vrijdaghes. Ten weer saeck
 datter vertaeghen woerde of licuer voer gheholdē worde om
 merre dubbeldē feeste. en daer bouen. of om merclike saeckē

Als men benedicite gesecht heft ende die susterē gheseten
sijn. soe mach die ghene diet capittel helt cortelike seggen
dat hoer oerbaerlic dunct voer bedwaringe der oerde ende
beteringe der susterē dunct hoer goet. **E**nden yesten
mach sie berispen die nouiciē. of disciplyn gheue. Ende
sie sullen almen hoer gebrekē secht neder vallen en venie
nemē. Ende alst de Priozyne hem heyt sullē sie dutghaen.
En als sie dutsyn dan sal sie seggē diet capittel holt.
Die hem schuldich kent die doe sijne venie **T**ehant die
hem schuldich kēnē comē int middel des Capittels ende ne
men venie beghynende vandē ioneste. **H**et en sullen gheen
dwe te samen comē vandē ghenē die al willens venie nemē.
Dan sal die hoer venie neempt totter Priozyne ghebot op
staen. en hoer scolt also lude en apenbaer seggē. darmē van
dē anderē mach hoerē ende verstaen. **N**yemant en sal van
heymeliken dinghen belijngē doen indē Capittel. **E**n als
sie secht dat hoer niet meer en gedenct. of opholdet te sprekē
soe secht die Priozyne. wil yemant dese suster proclamerē.
En wy sie dan yemant proclamerē. die en sal niet vele waer
dē makē. **M**er simpelick seggē in deser wysen. **M**ater. onse
suster heft dit of dat ghedaen. of ver sunnet. of ghesecht nu
mende dat ghebreck. Ende als sie proclamerē is. dan sal sie

nemen denie en seggē myn scholt. Daer na alst hoer gelycē
 wort staet sie op. **C**Mer en bekenet sie hoer niet schuldich.
 soe mach sie cortelick seggē al staende. **M**ater my en ghedenct
 nyet dat ick dat ghedaen of ghesecht hebbe dat my suster secht.
Dan sal die gheen die sie proclamierde hoer proclamacie niet
 verhalen. men en braeghes hoer. mer siet een ander haerre sus-
 ter missaeken dat waer is. soe ist hoer gheorloft ghetuech te
 geuen. **V**Daer na matighet die **P**roorvine ghoetheit die
 penitencie. na den dat die ysoen ende die schult is. als hier nae
 volcomelick verdaert is in die capittelen der gebrekē. **E**nde
 yster yemant die hoer ondoech samlick ende onsatelick onschul-
 dich of andwort. als men sie wrucht of berispet. **D**an sal mē
 se na guetduncken des ghens dier capittel holdet. vluchts corri-
 gieren. of op een ander tijt verbeidē. **S**oe wie hoer in eny
 ghen dinghen mercklich. oec duck ontghaet en hoer versümet
 te beterē. die salmen myt swarē slagen en penitēcie corrigerē.
Doer daghelix ende cleynē ghebreke setmen somtijt psalmē.
 somtijt oetmoedighe werken. oefnisse ende disciplinē. Oec set-
 men sonderlinge silenciū. den ghenē die bereyt syn tot veel spre-
 kens. **D**ie gheen die ghedwoenlick syn dijck hoer silenciū te
 breken. die sal mē corrigerē myt ontrecken der spijse. of myt
 sunderlinge silenciū. **O**f vander eerden te eten. alst der **P**roorvine

myt rade des Rectors giuet dunc. ¶ **I**te die dicwyl ledichlike omgaen. die salmē myt sunderlingen correctie en oubaerliken beuelen weder staen. **C** Die herde houerdighē en verkierdē of ongehoer samē. salmē na raet des Rectors. myt herdē bedruckingē en berispingē of slaegen boeghē. **S**oe wyē myt orleue vande ghetijdē bliuet. of anders eerghent daer sie wesen solde. die sal voer dat cōuent sonder venie seggen. **M**a ter tot desen ghetijdē en was ick niet. by idwen orleue blief ick van daer. ¶ **D**ie sonder orlof afbliuē. die en sullē niet alleen venie nemē. mer sye sullē oer die sake seggē voer dat Conuēt daer sie om achter bleuen. **O**f is die saeke alsoe ghelegen soe soelen siet der Proroyne alleene seggen. ¶ **H**et is oer te weten dat nyemant proclamierē en sal die hoer proclamiert heft in dat selue capittel. ¶ **D**ie proclamiert wort sal scouwen dat sie niet en antworde den gheenre die hoer proclamiert noch hoer bynnē dien seluē daghe niet en berispe. **M**er sie sal hoer tot beteringe bereit bedwysen. **E** Die yemant proclamiert die sal te samē seggen dat sie te proclamierē heft. en die gheē die proclamiert wort. die sal van allen een venie nemē. ¶ **H**et en sullen gheen dwe to samē yemant proclamieren. **M**er als sie venie ghenomē heft en opghe staen is. dan sal die ander seggen. dat se te seggen heft. en dan sal sie weder

venie nemē. ¶ **N**emant en sal den anderē proclamierē meer
 dan van twee of vā driē ghebreken. Noch nyemāt en sal meer
 dan vā twee of vā drie ghebrekē proclamiert werde int selue
 capittel. ten weer dat vā een of vā vele een ghetuuch ghegeue
 worde teghens dien die enich dinck ongherechtelick versacete.
 ¶ **D**es gelyes soe en sal oec nyemāt in enē capittel. meer dā
 twee of drie van voelē scholdē proclamierē. Mer van eenre scolt
 mach sie hoerre vele te samē proclamierē. Die gheen die te
 samē proclamiert werde. die soelē te samē voertghaē. en ve
 nie nemē. Mer sie sullen hem hoedē alt cōuent of een aelinc
 choer te samē te proclamierē. Niemant en sal alleen van
 vermoedē proclamierē. anders dan sie gesien ende gehoert heft
 ¶ **N**iemant en sal hē vermetē syn scholt of eens anders styf
 like indē capittel te besermē. die gheen die daer teghē doet. die
 sal vander eerden eten. of na wille der Priorijne en des Rectors
 myt swaerre pyne ghepynt werde. ¶ **S**al yemant discipline
 nemē die sal in die selue stedē knyen. ende sedelick hoer scoldere
 ontdekken. ten waer datter der Priorijne dochte dat sie oer totten
 gordel toe ontdekken solde. en soe bliuende sal sie nygghen ende
 swygen. Of alleen seggen. Myn stolt. ic wyl my betere. Ende
 die anderē en sullē hier en bynē niet spreke. Mer sie sullē
 oer aensichte decken. En ist dat die Priorijne nyet en slaet. mer

een ander. dat nochtant selden ghesceien sal. soe en sal sie niet
aflaetē van slaen hent hoer die **Priozynne** heit. En dan sal
hoer die suster helpen aendoen. En als sie aenghedaen is ende
staet. soe en sal sie niet dwech ghaen in hoer stede. voer datmē
hoer ghebeit en dan sie nyeghen en ghaen in hoer stede. Die
iongher en sal den older niet slaen. ¶ **Noch** nyemant de
ge sie proclamiert heft. int selue capittel. **Noch** daer sie af ghe
proclamiert is. ¶ **Wil** yemant proclamierē die ghene die
seluen niet en beliet. of die in hoer stede suter datmen niet
doen en sal. eer dat die willighe belijnghe ghedaen is sijn.
die segge ierst aldus. **Het** is een proclamacie vā der suster.
Ende vluchte als sie hoerē naem hoert. sal sie niet antworde
mer comen int middel. ende staen ghenyeghet doech samlike
verbevdende. dat hoer suster te proclamierē heft. Ende soe
voert als ghesecht is van den die proclamiert sijn. ¶ **Indē**
capittel salmen neerstelike wachtē dat nyemant lichtelike
en spreke. dan hem seluē te vroeghē. of die and' te proclamie
rē of vandē andere geproclamiert te werde. het en waer hē
gheheit. of gheuraecht vand' **Priozynne**. of dat sie vander oer
den vraechde. **Noch** sie en sullen tot malcanderē niet spreke.
Mer alleen tot diē diet capittel holder. ¶ **Als** dat capittel ge
eyndet is. soe volcht daer na die **psalm. Laudate dñm omēs.**

Ende int eynde secht sie diet capittel gehalten heft *Adiutoriū*
 nīm Ende daer ist capittel gheeyndet ¶ Vuten capittel gaen
 die ionstē ierst. en doert die anderē. na ordinācien. ¶ Men sal
 seer scouwen dat niemant en spreke butē dē capittel. of gheue
 te verstaen van den gebrekē of vā heymelike sākē die men
 int capittel tractiert. Of berispe die hoer proclanuert heft.
 Die daer teghens duet die salmē swaerlike pinigen. ¶ In
 goedē vrydaghe. des vrydaghes voer pinxterē. In der vigilie
 der ghebuerte ons heren. Ende onser vroude assūpcio. Ende
 als een suster gestorue is int cōuent. sülle alle die susterē en
 conuersinē discipline nemē. ¶ Ende die Prorōyne werdet
 vermaent dat sie inder tijt der ghemeyne discipline. by hoer
 seluē discipline neme.

Van lichter misdoet. Caput vj^m.

Lichte scole is. ist dat yemant alsment teken doet
 niet alle dinghen achter en laet. en haest hoer myt
 rypheit te comē te tijde totter stede daer mē gheroepē wort.
 ¶ Ist dat yemant niet en veruult daer sie to gheteykent is.
 te singhē of te lesen. Of choer turbiert. enich respons of anti
 phen te beghinnē. ¶ Ist dat yemant niet vluchtes veme en
 neemt als sie quelck singet of leset. ¶ Ist dattet boeck
 daer men in lesen sal inder collacien of int capittel of inder

kerken by yemants vergetelheit daer nyet en waer. ¶ Ghe
like scolt is, als yemant tottē Keuenter of Collanen of totten
Capittel, of totten getyden inder kerken. Of totten gemeynen
werckhuysen niet wackerlick en coempt. Of die ter tafe
len lesen solde te laete queme totter benedictien. ¶ Ist dat
yemant indē dormpter, of in anderē stedē int cōuent enige
onruste maechte. Of die den ghenē hinderlick is die beden
of lesen of arbeiden. ¶ Istē lichte scolt ist dat yemant een
waskerse of ander reiscaap verliest of bicker. Of enich van
sinē clederē verarghert of verliest by rukeloesheit. ¶ Ist dat
yemant indē officie of collacie of int werckhuys slaepcrach
tich is. Of die hoer oghen wildelick om laet ghaen daer dat
cloester, of tot anderē wylytheidē. Ist dat yemant sine tyt to
brengt myt ydelen sermoenē, of yedelicke lachet of een ander
tot lachen verwert. Of die in enyghen ghelate, of in habijt
of in enyghen woerdē berispelick is. Voer dese gebreke set
men enē psalm of meer, na groetheit der misdadē, als der
gheenre goetdūct diet capittel holdet.

Middel scolt is, als yemant int scolt. *La. viij.*
choer niet en is tot gloria des ierstē psalms, ende
midden int choer niet ghenoech en duet die eerde cussende
voert heilighe sacrament. Of die in die vigilie der gebuer

tē ons heren. int beghyn des capittels niet en is. gade te danckē
myt hertē en myt lichaem. vande beghyn onser verloe singe

Ghelike scolt is. ist dat yemant inden choer. niet aendach
tich en is totten dienst gades. ende myt wilde ogen en onghes
telickē wyssen. toen lichtuerdicheit des herten. ¶ Ist dat ye
mant in die gesette tyt hoer lesse niet en ouersiet. Of die hoer
vermetet anders te lesen of te singhen dan gheordinert.

Ist dat yemāt int choer lacht. of die anderē doet lachen. Of int
conuēt enighe ontbondenheit maect. ¶ Itē middel scolt is

of yemant vutē ghemeyne werckhuys. of vut enighe ghet
den sonder ozlof of redelike saeke blyst. ¶ Ist dat yemant
eten of drincken ontfenet sonder benedictie.

Ghelike scolt is. ist dat yemāt des daghes als sie proclamiert is. om hoer
to wreken yemāt proclamiert. Ist dat yemāt yet sroerende

secht of myssaect. of oneersam reden secht. Ist dat yement
in gewoentē heft enighe suster te neume myt hoerē naem.

en achter laet suster. **V**oer dese gebreke setmē psalmen
disaplinē en veniē na bescreidenheit der ghenre diet capittel

helt. aenghesien groetheit der gebreken. **Van Swaren**

SMaer gebreck is. ist dat yemāt **gebreken. Ca. viij^m**

mitten anderē kieff heft. of oneersamluke seelt Ist
dat yemant den anderē smelike toespreket. Of enich ghe

ende heit den anderen lieghen.

breck verdwijt. daer sy penitencie voerghedaen heft. ¶ Ist dat yemant inder proclamacie sceldinghe maect. of vermaledide worde of ongeordnierde of onghceestelike spreck totter ghenre die sie proclamiert heft. of tot yemant anders. Gelike scolt is. ist dat yemant dwydracht seyet onder den susteren. Of die gheuondē woert een achter clepster of ruynster. ¶ Ist dat yemant quade dinghe secht vā boesheidē. Of die hoer scolt. of eens anders wredelike bestermt. Of die wutlike lighet. ¶ Ist dat yemant in ghedwoentē heft hoer silencū niet te holden. C Ite swaer scolt is. ist dat yemant die ghesette vaste breck. Of in dē spreckhuys byden vreemdē ludē etet of drinct. Ist dat yemant teghens yemende verdwytelike en smelike woerde secht. ¶ Voer dese ghebreke ende deser ghelike salmē sechtē drie daghe abstinēcie te beir en te broede. ende drie disciplinē int capittel voer hem allen te nemē. of meer. en psalmē en veniē. nae dat die gebreke merre of mynre sy. ¶ Ist dat yemant enighe dinghe neemt sonder orloff. die enē anderē to gesacket syn. oec sonder meynynge to holden Oec die bleue vandē ghemeynē slaep. Oec vandē capittel. of Collacie. Of vandē ghemeynē reuenter sonder orloff of redelike sake. die sal in eenre maeltijt abstinēcie doen. in beu ende in broet. Mer wie dese dinge dicke doet. die sal lij

den die voerghefchde pene der swaerre scolt.

Vander Swaer-

Swaerre scolt ys. ist dat yemant **re scolt. Ca. ix**
myt weder spanicheit of apenbaer weder strydinge
hoere ouerste verkerlike of coenlike scelt. **I**st dat yemant **Aen gatzel**
vut quaetheide ene andere sloeghe. **I**st dat yemant die dinghe **oersaem is**
die ene andere gheleent syn. of vurde ghemeyne goede nae
me. myt wyllē te verberghen. **O**f yet eyghens hadde. **G**he
like scolt is. weert dat yemant gauē of enyghē ander dinghē
gheue. of nemē sonder orlof. ende verhuede dat sie onfangen
hadde. **I**st dat yemant breue. of enyghē scrifte sende of ont
fanghē sonder orlof. of lese. of hem dede lesen. **E**ist dat ye
mant oneersamheit des huyses of der susterē. **O**f enyghē hey
melike dinghen yemant van bure apenbaerde. **O**f dat ye
mant apenbaerlike enyghē doetlike sunde dede. **W**oer de
se gebreke. sal die ghene die schuldich is. die groetheit hoer
re sunden weenlike vut spreken nemende venie. **E**n ghebloet
totten gordel salmen sy slaen totten voete alle der susteren.
Iesta der Prorizne ende dan der ander aen beyden syden. **E**n
sy sal wesen die leste in couent. **I**nden reuenter en sal sie oec
totter ghemeyne tafelen nyet eten mytte andere. **A**er mid
den inden reuenter op die bloete eerde. **M**en sal hoer bereyde
grauer broet ende dunre dranck. ten waer dat die ouerste

Out ontfemherticheit hoer yet anders gheue. Ende dat hoer
ouerblijft en salmen niet menghen totten anderē. **A**smē
totten ghetijden gaet **E**n in die gracie nadē etē dan sal sye
gestrect liggen voer die kerc doer voer die susterē als sye in
of vutghaen. **M**er nyemant en sal soe koen wesen dat sye
hoer yet menghe myt dier suster. of hoer yet ontbiede. **D**e
se also lange als sie inder penitencie is en sal niet totten
sacramēte ghaen. noch en sal niet comē tottē tussen des vre
den. **N**och ghetyken werde tot enigher officie inder kerken.
noch men en sal hoer niet beuelen. **M**er die **D**uozyne op
dat sie niet en valle in myshape sal tot hoer sendē somige
vande olden susterē. die sie tot penitencie vermanē sullen.
stercken tot ghedoetsamheit. bewegen myt medelijden.
troesten tot voldoen. ende helpen myt hoerē ghebedē. **E**nde hē
sal helpē al dat cōuent. ist datmen in hoer apenbaerliken
syet behoerlike oetmoedicheit. **E**nde die ouerste en sal nyet
weygherē myt hoer ontfemherticheit te doen. **I**n ghe
liker wyse sal sie penitencie doen ist dat yemant valt inde
val des vleysches dat god verbiede. dat wy ordele bouē alle
pyne. ende meer dan alle die ander haetē. **D**ie alsulck is
die machmē nemē hoer swarte wijel alsoe lange als sie
under penitencie is. **M**er is die sunde heymelick. soe salmēt

heymelucke vernemen. en sie sal doen werdighe penitencie. Ist dat somighen myt quader ouerdracht. of te samē te sweren of myt quader eendraecht apenbaerlickē oprichtē teghē die Priozyne. of oer hoer ouersten die soelē penitencie doen als ghesecht is. Ende voert mer in al hoerē leuen soelen sie hebben die leerste stede. Noch stēme hebbē sie int capittel dan hem seluen to besculdighen. Noch men en sal hem gheen officie beuelen.

Mer ist dat somynghe niet vut quaetheit teghens die Priozyne yet hadde. mer inder waerheit niet en waer te lyde. noch betamelick waer te verdraeghē. soe sullen sie sie ierst myt alre oetmoedicheit ende mynnē tusschen hem en hoer van beteringhe vermaenē. Ende ist dat sie dicke vermaent is. en hoer versumet te betere. of dat versmaect. soe salment te wete doen den visitoers.

Van alre zwaerster scolt. Capit.

Alre zwaerste scolt is. Als yemant nyet ghecorrigit wil wesen. Die hoer niet en onsiet te mysdoen. en wyghert penitencie te lyden. Wort yemant aldus gheuonde die salinē sluytē in eyn afghescheide stede. en vutdoen dat habijt der susterē en affscheidē sie van hoerre gheselschap. En men sal hoer gheuen spysse. ~~die~~ die voer die zwaer scolt gheuoempt syn. Tot sulker correctien salmen hebben bequem stede. daer men yn sluytē mach. niet alleen die nyet

ghecorrigeert en wyyl wesen. Mer oec die proeuclick scadelick
ende suspect syn van enighen scade te doen in psonē. of in
dinghen. of van wech te ghaen. ¶ Men mach oec voer my
re gebreken somighē in deser stede sette tot eenre tijt als
nutte schijnt. **Vanden apostaten. Capit. x.**

Ist dat yemant apostatier mitter daet. soe sal sie wese
verbant. Welke sentēcie wy gheue myt desen teghen
wordighen statute. van welken sie nyet en mach werde ab
soluiert dan vandē visitoers. ¶ Wort yemant begrepē in
apostasien of en wech te ghaen. Ende onwillich weder ghe
braecht wort. sal lyden die penitēcie die voer ghesecht is. vā
den die nyet en willen ghecorrigeert wesen. Coempt yemāt
al willens weder die dwech geloeven is biddende ontfemher
ticheit. Inder dwicheit en salnē sie nyet nemē. is sie proue
lick suspect of ontrucht vandē val des vleisches. sonder guet
duncken der visitoers. Mer als men sie weder nemē sal. soe
sal sie comē int capittel myt roden ontdeck totten gordel en
sal bidden ghenade ghestrect op die eerde. Ende sie sal ghe
corrigeert werden myt allen den penē die voir secht sijn van
der zwaerre scolt. of vandē val des vleisches. of vander qua
der ouerdracht. Ende sie sal ontfanghen vander penitēcie
die daer gesecht is mer of myn langher of cortter na groet

der my sbaet. ende na teyke der penitencie die men merket.

Vanden Silencio. Capit. xj^m

In die kerke. In den reuenter. ende in de dormyter In den
 deel des cloesters dat daer te gheschit is. by de vut. op den
 primaet sullē die susterē altyt silencū holdē. Des werkelo
 ghes als gheen latel tyt en is sullē die susterē silencū holden
 in deser maniere. Van derde halff vte tot drie vte toe. ende van
 vyfste halff vte tot sees vte toe moeghe sie spreken vā sachtighē
 greeftukē materie. Ende die koster sche sal voir sinich wesen
 dat sie die tyt te lude te vesperē niet en verlinge mer die teykenē
 om silencū te holden sal sy hem allen apenbaerlike doen. Die
 susterē sullen sochtuoldich wesen dat sie die tyde die hem te spre
 ken ghegheuen syn satelike ende gheestelike toe brenghen. dat
 sie den anderē die hem vltighen in ynicheit en ruste becōmert
 te wesen. gheen verdriet en doen. Des heilighen daghes sullē
 die susterē silencū holden hent na dweelf vten. Daer na
 moeghen sye sprekē hent tot den iersten teyke te vesper. mer
 dat alleen op ghemeyne stede die ghegunt syn. Des ghelikes
 na der vesper hent to de iersten teyken totten ad auentmael. of
 collacie. anders sropghen sye. Des heylighē daghes voer of na
 der vesper coemē sie to samē op die spynkamer ende spreken
 vander collacie of vander ander goeder oefening deuotelick

ende begerlick. Na den auentmael sullen sie altyt silenciū holden. Van cōpletē hent na primē of terciē des anderē da ghes sullē sie hem vlitighen seer strengelick oec van corttē wordē hem te ontholdē. Als enighe susterē ghesat syn of te samē coemē in enighe huysē daer sy wat doen sullen. die moegē to samē nyet malcanderē sprekē alst tijde syn to spreken. of wes dat noet is tot oerē werckē. Mer sie moētē nyet sprekē muttē ghenē die hem ouercoemē. ten weer dat sie orloff hadde. mer vā vreemde materiē ende nyemare moētē sie niet callē. Ist dat somighe inder werckhuysen of in anderen steden daer mē sprekē mach. en die susterē to samē comen. of daer mē spint of scrijft. of anders wat doet. Inder tijt dat mē den dienst gades niet en doet. wat sprekē stillike en cort van noetdruftrighen of nüttē dingē. of die tottē arbeide hoerē. die en werde niet schuldich gheholdē dat sy hoer silenciū te brakē hebbē. Somtijt als der Priozyne guet dūnt moeghē die susterē te samē sprekē van dinghen die tot stichticheit hoerē. sedelike ende sonder lūutruchticheit. Soe sal die Priozyne of die Suppriozyne als die Priozyne niet teghenwordich en is seggē. Benedicite. Mer is dat daer lūutruchticheit waer. of onstichtighe roepinck. Soe sal die Priozyne of die Suppriozyne seggē Pater n̄r. En soe sullē

sie voort silenciū holden. Alsoe salment holden in allen spre-
 ken alst conuēt vergadert is of veel susterē. Indē verckluy-
 sen. het sij te spreken vut gracie of doch inder tijt des arbeids.
Est datter brant opslaet bynnē der muere des cloesters
 soe moeghē die susterē hoer silenciū breken. ¶ Des ge-
 luckes ofter enyghē suster onuersiens sieck worde. wat
 suster dat vernemmt mach myt hoer spreke wes hoer
 noet is. en ghaen tot hoerē bedde. ¶ Inden siekē huys en
 salmē niet ghaen. noch spreke mytē sieken dan myt or-
 lof der Priozyne. Den orlof en sal sie niet ghemeyn ghe-
 uē. te waer dat yemant gans to bedde laeghe. Nochtant
 sullē hē die susterē ware dat sie alsoe danighe siekē suste-
 rē niet moyelick en syn myt langer callinge. Als dan sal
 sie die sieck waerster vermanē. of proclamierē int capu-
 tel. of seggen der Priozyne. Wert dat anders enighe suster
 wetende hoer silenciū breke. of inder tijt des arbeids die cal-
 linge vermēnichuoldichde en vertreecte. of vake ledichli-
 ke en onrustelicke omeghinghe die sal indē capittel disci-
 pline ontfangē. En of sie tussen twee capittelē drie of
 veurdwerf daer in schuldich worde. soe sal sie totter disci-
 pline die sie indē capittel ghenomē heft. op die eerde eten.
 Of duchte der Priozyne nutter om sake soe machmē dier

sette seuen psalmē of sunderling silenciū te holdē. ¶ **W**ie dat hoer silenciū vake brekē die leidē die penitēcie die vādē zware schuldē indē statute staet geschreue. Itē die susterē sullē altoes swyge. onder den ghetijdē. En onder des Conuents mysse. En inder tyt des middaghes slaeps. Oec inder tyt des etens. Oec sullē sie silenciū holdē indē auentmael ons herē. En in goedē vrijdaghe ouer al. ¶ **D**ie Prorzyne mach der kelre waer sterren dē koekē susterē of anderen susterē die ampte hebbē om noet en nütticheit. ghemeyne orlof gheue to spreken. Die Prorzyne sal hoer oec ware dat sie niet en spreke op verboedē stedē. mer ghaen op stedē daert gheorlof is te spreke. ¶ **D**ie procuratersche mach spreke mittē ghenē die ampte hebbē die onder hoer beuel syn. En oec mittē vromē ludē als nūt en noet is. Mer niet myttē vromē in saken die hoerre officie niet toe en hoeren. Want myt dien sal sye spreke als die ander ghemeyn susterē. Nochtant heft sye wat noets te spreke voer primē en nae cōpletē dat sal sie doen myt orlof der Prorzyne. ¶ **D**ie Prorzyne om guet exempel den susterē te gheue soe veel als hoer boere mach. sal hoer vlitighen te wesen op hoer werck. en daer stillucklike te spreke mit dien susterē dies behouen. Siet sye oec susterē ledichlike ome ghaen. of silenciū

breken. of ~~in~~ oock inder tyt des spreken te veers ghaen of lūit
 ruchtich te wesen. des en versume sye niet te vermaenen.
En die susterē sullē nochtan hoer scolt inden capittel daer vā
 spreke. of mē sal sie pclamierē. Die susterē sullē hem oer
 seer waren en vlitighen dat sie des heilighē daghes als sie
 hem neernstelicke tot gootliken dingē soelen gheue. dat sie die
 tyt dan myt ledighē anlingē en scadelikē woerde niet to en
 brenghē. Wort hier yemat sculdich in gheuondē. of dat al
 sulck vermoede vā hē gheet dat sie scadelicke vrenscap te samē
 hebbe. en nae datmē sie vermaent heft. sich daer niet en en be
 tere. Die sal die Priozyne soe langhe dwyngē dat sie mit
 malcanderē nyet en spreken. hent sie hem betere. **M**yt sun
 derlinghē oelof der Priozyne moeghen die susterē somtyt to sa
 mē vutghaen indē hof en to samē spreke als voerscreuē steet.
 soe langhe alst dīnlick is en hoer goet dūct. of tottē naeste
 wyke der ghetydē. Nochtant sullē sie hem sunderlinck hoe
 dē dat sie niet alleen vandē Conuēt en dwelen. of dat sy hem
 myt yemant sunderlings veer vandē Conuēt en scheiden.
Mer sye sullē te samē vutghaen en to samē weder inghaen.
 en bliuē oer daer to samen. Alse vutghaē isser dan silentiū
 tyt soe sullen sie swyge hent sie vutter doer syn. En als sie
 weder in ghaen sullē sie swyge vluchts als sie in die doer toe

mē. ¶ Wāneer die susterē op enige stede vergaderē om te sa
mē to spreken. na cōuents wyse. daer en sal nyemāt af bli
uen. behaluen die myt orlof der Prouyne hebbē wat to ouer
sien vā singē of lesen. of die anders wat hebbē te doen vā
noeden. Des ghelikes wāneer sie vergadert sijn. en sal
nyemant en wech ghaen sonder orlof der geente diet cōuēt
holdet. en als die suster oer dinck ghedaen heft daer sie om
ghegaen was sal sie weder coemē tottē cōuente. ¶ Ste in
dien steden of tyde des silenciū als die susterē malcanderē
ghemoetē sullē sie myt vrincliker wackerheit malcande
rē wicken. en oetmoedelikē nyegen en als wygende voer by
ghaen. Voert aen is te merckē dat wy niet en denckē of nyet en
willē myt deser insettinge die goede ghewoentē der susterē
van silenciū te holdē to brekē of te vernielē. want holdē sie
enich silenciū strengliker na ghewoentē dan wy. insetten
belijft ons seer. en sullen oer by gade mēerre vordering en
gracie vinden. *Vandē arbeit der handen. Ca. xij*

Want ledicheit een vyant der zielē is. ende een vuedf
ter der sundē. daer om en sal nyemāt int doester
ledich wesen. Ende mē sal neernstelike daer to sien. dat des
werckedaechs vandē merghe als die susterē hoer werck be
ghynē tot nae cōpletē als mē aflact. *¶* alle die susteren

diet vermoeghen becōmert sullē syn. myt handwercke voer oē
 ghemeynē orbaer. op alsulke tijde en stedē daermē arbeiden
 sal. om dat loen der ghehoersamheit ende der ghemeynre my-
 nē te verrighen. Ende om ander vele saeke daer die heilighe
 mēichuoluelick den arbeit der handē om ghepresen hebbē.
Irst op dat sie nyemants tijcluck goet en doruē begherē. noch
 myt anderē ludē to smeykē om yet to ghylē. Ende op dat sie
 die salicheit der gheenre die hoer broet myt hoerē handē wynen
 verrighen moeghen. Ende dat sie oer hoers selues behoefticheit
 moeghen verlichtē. **E**n dat sy wat moeghē verrighē dair
 sy den armen mede te hulpe moeghē coemē. Mede op dat sy oer
 re gebreke moeghē weder staen. en hoer herte veeftighen in
 goedē ghedachte. gelijk als die lichame gheankert werdē an
 dat ~~werk~~ handwerck. **W**ant niet lichtelick en wort hy gheuā
 gē myt bezoringe. die in goeder oefening onledich is. **W**ant
 een merckelick hulp is. als die leerre bescriuē daer die meech-
 de mede staende moeghē bliuē. **W**ant den menschē is ghe-
 set vande herte dat hij int zweet syns an sightes sal eten syn
 broet. **E**n die apostel secht. Die nyet en arbeit die en sal nyet
 eten. **E**n dauid secht. **W**antu den arbeit dijnre handē sal ste-
 etē. salich bystu en wael sal dy wese. **M**en en sal nochtant
 die sekere gefatte tijt des dijnstes gades en der bedinge en der

lexie om des handwerkes wille niet versumē. Die susteren
sullen oeck daer to vermaent wesen. dat nyemant sijns sel
ues gemak en sueke. mer den ghemeynē oubaer. hier om
woe sie meer dat ghemeyn goet. bouē hoers selnes achtē al
soe veel meer sijn sie voertgeghaen in doechden. Daer om
die niet en willen wercken die salmē nae guetdünckē der
ouersten alsoe langhe pinighē. myt ontreckē der ghemeyn
re spysen en drancks. of myt anderē oefeninge tot dat spe
hem beteren. En waer yemant die dat werck niet doen en
wolve. dat hoer beuuelē worde. en maectē hoer seluē te suekē.
dat god verbiede. die salmē settē in die leeste stede. en daer en
bynē sal sie gebruiken alleen grouer broet en snoder dranck
hent dat sie hoer bereyder bedwyse tottē ~~werck~~ werck.

E Die indē werckhuysen of anders waer te samē werckē
die moeghē stillidike en cortelick spreken vā dē dingē dier
werck eysschen. Sie werdē oec vermaent die wyl indē wer
ckē hem te kuerē tot cortē ghebedē. *Allo here ontfermt v onser.*
Pr noster. Ave maria. Of here verleent ons een salighe vrie.
wāneer die clocke slaet. Of here scip in my een reyn hert. of
der gelike. Oec sullen sie op sekerē tijdē na ghedwoentē des
Cōuents op hoer handwerck lesen die corte cruce ghetydē. se
uē psalmē. vigilie. kreen skē myt anderē ghedwoentliken

ghetijde en bedinge. ¶ Der werliker lude dederē en sullē sie niet neyen. ten waer dat sie myt orlof des Rectors de gasten yet mactē. *Vanden dormpter. Capit. xiiij^m.*

Die dormiter daer die susterē op slaepē sullē die sal bo-
uē wesen. En die susterē sullē slaepē op cultrē of bed-
den mis sie beter gerecht hebbē. Een onder scot sal wesen tus-
schen twee bed stede op dat die susterē malcanderē nyet en moe-
ghen sijn. Suytē den dormiter sal nyemant slaepē dan om
sunderlingē siecte wyl. ¶ Niemant sal ghaen toe des anders
bidde. of sal daer enich onder sueck doen. behalvē die Mater.
¶ Men sal al auent bidē bedde onder sueckē. of een yeghelick
suster daer is. eer men den dormpter sluyt. Ende wort dan ye-
mant nyet beuonde. die sal mē sueken en halē en des andere
daghes penitencie settē. ¶ Ma dien dat die dormpter des auēts
gheslaectē is soe sal men daer nyemant af latē ghaen. dan myt
orlof der mater. en om noetsaeken wyl. ¶ Die susterē sullē
ten dormpter gaen des werliken daghes voer neghē vren.
alsoe dat sie dan vour oer bedde sijn. Des heilighen daghes to-
acht vren sullen sie op ghaen. Des morgheis sal mē op staē
toe vier vren. ¶ Op ten dormpter en by oerē bedde sullē sie
erwich silenciū holdē. beholckelick of yemant van hem haeste-
lick sieck of cranck worde. In alsulken lastighen saeken

mach die suster die by hoer int naeste slaecht myt oer spreken
ende oer goet behulp doen in oerre noet. Men sal die sieckē al
toes brengē alst dach wort of ist noet by nachte int siecken huys
alsoe datmē optē dormiter niet en sal bliuē liggē ouer een
haluē dach, op dat die susterē goet geraeck crighē moeghen
en silenciū op dē dormiter geholdē werde. In allē tydē als die
susterē slaepen, heft yemant van noedē eergent te ghaen,
die sal soe mekelike ghaen en op staen dat sie nyemant hyn
oerlick en sy in oerre nachtruste. Alst slaecht is sullē sich de
susterē daer to kierē myt vliticheit en alle ander dinghē ach
ter late. Nyemāt sal oer merclike wakē dan ter noet, en myt
orlof. Na cōpletē en sal nyemāt ghaen totter Prioryne dan
geroepē, of van noet saeke die nyet beidē en mach.

Vanden inganck totten sloete.

Wint wy visitoers willē datmē groete behuethheit
hebbē voerdē inganc en vutganck des sloets in de
sen Conuente. Soe verbiedē wy onder penē des bans en ker
keners, dat nūmermeer suster professiet en beslaetē, butē
slot en ghae dan ouer mids perikel des brants, of perikel
des natuerlikē leuēs vā moet of der gelike om anxtē des
doets. ¶ Die visitierres inder tijt der visitacie, Of een ma
ter te kiesē, en cōfirmierē moeghē inghaē, mer selden

Als yemant bynnē gaet sal die Priozyne myt drie vande olste
 altoes by hem wesen. En die ander susterē sullē niet om loe
 pen. Mer sie sullē op die camer of in hoer werckhuysen bliuē
 of op een ander eersame stede. daer sye te doen hebbē. hant die
 inghegaen sijn weder vutghaen. Nyemāt sal toeganck heb
 ben noch spreke myt yemant die bynnē gaet. dā die Priozy
 ne mittē drie die myt hoer ghaen. alsoe datter die een altoes
 hoer van hem drie. ¶ Die wercklyde moeghē oec bynnē
 gaen om noetdrustighe werke als de Rector en der Priozy
 ne guetdunct. En dan mach die Priozyne ende die drie die
 daer to geset sijn. en die procuratrix myt hē spreke wes noet
 is. altoes nochtant datter die anderē hoerē. Die anderē sus
 terē en sullen in gheene wys myt hem spreken noch by hem
 comen. Alst valt dat yemant soe siec is. dat sie totter stede
 daer mē bycht en coīnert niet comē en kan noch gheleit mach
 werde. dan sal die priester myt enē choerdele en stole totter
 infirmariē gaen. myt enē rypen en stichtighe dienre of ge
 selle. daer drie susterē voer sullen ghaen myt waskersen en
 laterne. Ende drie myt wywater en mytter scelle. En daer
 sulle mede gaen somigē vāden rypstē of stichtighe susterē
 die gheroepē werde. En men sal die siekē coīnere alst in ma
 nuael gestreūē staet. En men sal scoude dat mē nyet dicke

bynnē en gae. nu om te cōmunicierē nu tom te olyē. mer men
salt lieuer te samen doen. En als men yement olyet dā bli
uet cōuent int sieckhuys tottē eynde der officie. ¶ Die
Kercker noch niemāt anders en sal bynē gaen. om bycht te
hoerē. of om enich sacramēt te gheue. of om yemāt te graue
sonder choerdeet of cappe. En myt hē sullē gaen die ghesette
susterē. En hy sal alsoe staen en sitten dat sie moeghen
sien beide den bichter en die bycht. *Vandē Reuenter. Ca. xiiij*

Alle die susterē sullen des merghens en des auents
ter maeltijt coemē. Blijfter yemēt vander tafelē
of oer vander benedictie. die sal venie nemē int capittel. en
seggē die saeke waer om dat sie vander tafelē bleef. Alsmē
dat cloerken luyt soe sullen die susterē vluchtes voer den re
uenter comē. en daer sedelike myt swyghē sittē tot dat
die ghene diet cōuent des reuenter holdet. die scelle luyt
En dan gaen sie in na ordinantie. nyghende tottē cruce.
Als die susterē staen choer teghen choer soe beghint die
ebdomedaria myt ghesatenre stēme. *Benedicite.* En die
anderē veruolghē dat vers myt *Gloria p̄i.* Na den p̄i
n̄r. als die selue suster secht *Et ne nos inducas.* richtē hem
die anderē op. En die benediet maect een cruce totter ouer
ter tafelen. En byden eynde der benedictie. gaet die lesester

int middel. en leghe nyghende neemt sie die benedictie.
 Als die gesecht is dympt sie op den lese stoel. en die anderen
 sittē ter tafelē. Die lefester sal voer die benedictie voer sinich
 wesen vā den boeke. en die stede daer mē die lorse beghynne
 sal. en datter ghenoech te lesen sy alle die maeltijt doet. Sie
 en beghint niet to lesen. eer dat geruchte der gheene die sit
 ten ghedaen is. Noch die susterē en tasten die spyse niet aen
 tot dat een deel gelesen is. en tot dat die Priozyne een teyke
 doet. of als sie sien dat sie die spyse antastet. **E** Die lefester
 mach voer den eten wat onbyten. En woert auēmael of col
 lacie drincken. Dese lefester sal apelijke en bescheidenlike
 lesen dat mē mach hoere en verstaen. En sal oer oere voege
 totter corrigester. op dat sie verstaen als sie corrigiert wort
 Die ordinācie des lesens beghint vandē iongheste opwert
 dymede. En die die een weke leest. die sal die ander dyenē
V Ist dat daer die lefester of die dienresche ghebrekē ende
 gheen ander ghebedē en heft. om oer officie te veruullen.
 Soe sal die ghene die voer oer gaet dienen. En die ghene die
 nae oer gaet lesen. **V** Coempter yemant na der benedic
 tie die sal sitten na die ghesetē syn of ingeghaen syn te sit
 ten. **V** Oer die coempt na dat sie alle ghesetē syn. die sal
 inghaen myt orloue en sal leest sitten. **E** Die suster die

niet en mach eten datmen oer voerset inden reuenter, die
en machs niet voort gheuen dan den ghenē die naest
hoer syt ter rechter of ter lichter hant. Als sie drincken
sullē soe sullē sie die kâne of den nap holdē mit beiden
handē. ¶ Sie nyghen een luttel alsme yet voersettē of
afneempt. en oer die susterē diet hem voersettē. Sie en
volden oer dwelen niet hent die Priozyne een teykē doet.
of dat sie die hoer voldet. Die na eten. en sullen nyet an
ders eten dan die ghemeyn susterē eten. behalvē die cranc
ken en sicken. ¶ Als dan die Priozyne siet. dat sie alle ghe
ten hebben soe duet sie een teyken mitter scelle. En als ghe
secht is. Tu autē. Ende gheandwort Deo grās. Staen sie
alle op vander tafelen. En die Priozyne luyt een luttel
die scelle. Ende als die susterē staen in oerre ordinancie en
ghenycht hebbē tottē cruce. En na ordinācie ghaen sie vut
die ioncsten voer. Als sie int choer ghaen nyghen sie voer
dat sanctuariū. soe ghaen sie tot oerē stolē en betalē gra
cie alst ghedwoentlick is. ¶ Nyemant en sal butē dē reuen
ter en zieken huys eten sonder noet. ¶ Die butē den reue
ter eten die nyghen en luttel tottē Pater nr. en Glā p̄ri.
En sie moeghen seggen ter gracie den psalm. Laudate
dn̄m omēs gentes. **Vanden vasten. Capit. xv**

Wander verheffinge des cruces heilighen. hent totter
 aduent. en van dertiē miffe totter vasten. sullen die
 susterē samentlick vastē. alle weke den woensdaghe en den
 vrijdaghe. Mer soe langhe. sie swaerlick moētē arbeiden.
 en den kost wynnē. soe moeghen die ouerste mitte woens
 daghe dispensierē en den susterē orlof geuē to eten. Mitten
 sieken en cranckē mach die mater dispensierē. en de susterē
 orlof gheuē to eten. Mer men en sal mitten ghemenē cōuēt
 nyet dispensierē sonder consent des Rectors. Dat cōuent
 en breec gheen vasten om bede vande gasten of anderē. In
 daghen der dedinghe en professie. en inden koer eenre nyer
 Prioryne. behaluc des vrijdaghes en als ghebot vastē is soe
 sal mē dwij eten. In desen daghen comē sye to samē op die spij
 camer en alster een guet punt ghelesen is. ghaen sie to sa
 mē vut indē bongart myt saticheit ende syn vrolich sonder
 lichthuerdicheit hent totten iersten teyken to. ¶ Des woēs
 dages en eten sie gheen vleys. vutgenomē die merlick sieck
 sijn. Inder aduent vasten sie drie daghe. En syn oer alle die
 aduent sonder vleys. ¶ Op den auende onser vrouwen.
 Inder vigilie der ghebuertē ons lieuē herē. Sijnre hemeluaect.
 Pynxterē. Mitte auont scē Johānis baptistē Sancte Peters.
 Sātte Paulvels. Op alre heilighen auent En in die quater

tempen daghen die in die aduent comen. soe vastē die susterē
sonder suuel. Indē anderē vastel daghen der kerke. En des vry
daghes behalvē euerē moeghē sie doen na gewoentē des lan
des en and' deuoter psonē. Die gaste moeghē sie gheue als
sy etē. Opdē goedē vrydach sullē sie alleen beir en broet eten.
Opdē vrydach in die weke van paeschē sullē sie driij eten.
Op kersoach sullē sie altoes vleys eten. Op sunte Marcus
dach en op die cruceldaghē vastē sie sonder vleysch, des dyns
daghes machmē des auonts gracie doen. Mer comyt sunte
Marcus in die paesche weke of opten sōendaghe soe eten
sie vleysch en vastē niet. ¶ Des manendaghes en des
dyns dages voerdē asselendwoensdaghe sullē die susterē we
sen sonder vleysch en vastē. Des auents moeghē die ouer
sten dispensierē. Wie van dē susterē tusschē tydē behoef to
eten of te drinckē die doet myt orlof en rade der ouersten.

Niemant en is gheorloft te doen abstinēcie of disciplinē
of wakinge of enighe lichaemlike oefenyngē die van on
ser ghemeeue in settinge niet en syn sonder orlof der ouerste.

Vander collacie to drincken. Capit. xvj.^m

Ouden daghe cenre maeltijt luyt die dienresche des
reuenters ter Collacie na dat ierste teykē der rōplete
Als die susterē vergadert syn soe luyt die Priozyne die scelle

des reuenterers. Als dan die susterē ~~inghe~~ inge
 ghaen sijn. eyschet die lefester die benedictie int middel. Hier
 na volcht die benedictie. Noctē quietā r̄c. Als men een punte
 gelesen heft. totte teyken der Priozyne. sittende. secht die lefester
Benedicite. En die ebdomedaria staet op ende secht. Largitor
oim bonoz. Inder collacien sittet die Priozyne int hoefe hoer
 re tafelen. bijder steden daet sie staet. En by hoer die Supprior
 ynne myt somige vandē olste van hoerē choer. Die ander sit
 ten na ordinacīe als sie staen inden choer. Alsmē gedronckē
 heft totten teyke der Priozyne secht die lefester. Tu autē r̄c.
 En alsmē gesecht heft. Deo grācias Soe secht die ghene
 diet Conuent holder. Adutoriu r̄c. Ende soe ghaen sie myt
 swygen na ordinancīe ter kercken. **W**uten der maeltyt en
 Collacie en sal nyemant drinckē sonder orlof. En die indē
 arbeit niet en sijn die sullen drinckē indē reuenter myt swy
 gen. ende sittende. Vandē coīcyeringe en bycht. **Ca. xvij.**

Oet vierthēnachtē bychtē die susterē eens en ontfan
 gen dat heilighe sacramēt. Ten weer dat yemat
 belet worde om wytlike sache en na rade des rectoers vertuef
 de. **T** Om redelike sake en groete hoechtjyde wyl mach die tijt
 vercoort of verlinget werde. Int auentmael ons herē. Ende
 in paeffchedaghe coīciere sie alle die bequeem sijn. **A**ls

dan die priester coempt dan ghaen sie sedelick na ordinācie die een na den anderē en maken gheen vertoeuen. ¶ Als sie ghenoomen hebbē dat lichaem ons lieue herē soe ghaen sie totter ander syde en kiere weder tot hoere stede. en een luttel tydes daer na nemē sie die ablucie. Tot desen heilighē sacrament sal hem een yghelick alsoe bereiden te ghaen myt bychte myt waer berou. en myt enē vaste goeden wyl goede te dienē na oerre ghelaeste als of sie ter stont solde steruen en comē voerde strenghen richter. ¶ **W**āneer die sustere hoechtijt hebbē sullē des daghes daer te voere sullē sie nyet schere noch hoefde waschen. noch ander onrustighe wercken doen die vertoeue moeghen. daer om salmē oer dat backen en vrouwe te voere voer sien dattet opden hoechtijts auent niet en geschie. **Vandē scheren ende hoefden te**

Omtreent alle seuen weken **waschen.**
beloept des Jaers acht reysen soe sullen alle die sustere oer hoefden laete waschen en schere. Als omtreent der gebuertē ons herē. In februario. Omtreent paessche Voer pyntere. Omtreent onser vrouwe visitatio. Voer onser vrouwe assuptio. Voer sunte Micheel. En voer sunte Mer ten. Hest yement saeke ducker te wasche die sal orlof bidden. ¶ Dit wasche en schere salmē doen ioncferlick ende

myt groeter behuethheit en rijpheit. Men sal dan ouer all in deser stede silenciū holden. Behaluc die dat werck doen. die moeghen stillikē en cortelike spreke dat noet is. **Vanden**

Werwerue des iaers laetmē ghemeenlike. **latē. Ca. 18**
 Dūtē wilkē tydē men nyement lichtelick orlof en ghyft te latē dan om apenbaer saken. ¶ Die ierste tyt om treent onser vroude lichtmiss. Die ander indē Mey. Die derde by sunte Bartholomey. Die vierde na sunte Merten. Als die laetmester ynt slot sal ghaen. soe sal Pater ende die Mater myt twee vandē olsten by hem wesen. ende brenghē hem ter stede daer men sal latē. Indē latē soe sal Pater en mater myt twee susterē vandē olsten byden meyster stedelike wesen. en van malcanderē nyet scheidē eer sie samentlick weder wuttē slaete geghaen sijn. Nyemant sal ouer syde mittē susterē spreke van den die inghebracht sy. En men sal sich onder den latē myt alre scemelheit behuedē. Mer waert sake dat sie susterē mochtē malcanderē latē soe en sal daer ghee inghanc van yemant wesen. ¶ Die gheen die nyet en latē die en sullē nyet comē totter stede daer mē laet. ¶ Inder tyt der ghemeynre latinge die gheen die nyet en laten. die soelē mede deelachtich wesen der putanaē mittē ghenē die latē. Die laten sullen die sullē te samē latē. Inder steden daer mē laet

salmen silenciau holdē behalvē dat noet is to sprekē. stillic en
myt luttel wordē. **D**rie daghe lanck eten sie dwerue en
nemē wat van beter spijfen. **T**en waer datter tusschen
quamē vasten der kerken. **E**n mē sal voer syn als mē best
mach. dat mē die latinge alsoe ordiner dat alsulke vasten
byne dween daghen nyet en gheuallen. **I**n desen daghen en
warden sie niet verbondē tot strengheit der sulcne. **A**nders
dā vā Cōpletē tot des anderē daghes na primē **E**n onder dē
ghetidē. **E**n inder tyt der lexen. **D**es ierste daghes als die
Priorine een teyken doet soe comē sie te samē op die spinca
mer. **D**aer na als mē een wenich goets ghelesen heft soe gae
sy te samē indē hof en vermākē sich myt alre mynliker byt
licheit. **M**er alle ydelheit lichtuerdicheit en werlicheit vā
loepen springhē of te synghe enyghē werlike leekens en
sullen dā. noch in ghenē recreatiē daghen in gheenre wyse
wesen. noch to werde ghelate. **M**er mē sal volich wese na
den aen sich der heilighē als gheestelike psonē to behoert.
Ten iersten teyke ter vesperē of eer dunct der **M**ater guet
salmē wed' comē op die spinamer. **V** **D**es anderē daghes
en des derde. mach mē oer vut ghaen indē bonguert alster
ghesecht is. mer alleen eene vze lang. en kiere dan weder tot
ore werck. **A**lle callinck der susterē in daghē der recreacie

sal wesen satich mynlick datmē bouē al nyemāt toe nae en spreke. Men sal niet luytruchtych wesen myt woerde noch myt lachen. ¶ Die butē der ghemeynre latinge myt orloue laten des iersten daghes hebbē sye wat vermakinck alster gesicht is. Mer op die twe ander daghen ghysmē om alleen dat auctmael.

Item Dat vierde deel vandē onbeslatenen Ende onghedeeden.

Wanneer die onbeslatene susterē werde vut dē sloet gesant om enyghē sake te bedwarē soe sullē sie gheheel en trou oerē huys wesen als sie dat voer god en voerden menschen willen verantworde. Sie moete seer stichtich vā zede, behuet van worden, en seer riep in oerre wandring wesen, anders solde oer huys stande vā hē hebben. ¶ Twee van desen susterē sullē altoes toe samē vutgaen, te samen staen ende sittē en nūmermeer van malcanderē scheidē, oer sie weder int sloet coemē. Die hebbē sye aldus ghelauet na sunte Augustinus regel te holdē. ¶ Dese onbeslactē susterē en al die ander die buten der oerde syn sullē in gheenre wys to enyghē tyde eten of dienckē bynnē der stat vā ydolle of inder stat vryheit. ¶ Als dese suster vander hant

reysen sullen soe vallen sie neder op oer knyen en ontfangē
die benedictie vandē ouersten. In deser maniere. Die bene
dictie des almeytighen vaders en des soens en des heilige
gheestes neder stighe op v en bliue altoes myt v Amen.

Wāneer sye reysen en in den weghe sijn sullē sie behuet
lich ghaen en betamelick bedert sijn. Sie sullē oec pynen
silenciū te holdē en wat goedes te lesen of te spreken na hoe
re vermoeghen. sonderlinge voor primē en na cōpletten.

Alle daghe sullen sie misse hoerē künē sijn by brenghe. In
gheestliker mensche cōuente of heymelike stede. hem seluē
te sicken vutē gheruchte werliker mensche. **T** Des vrij
daghes en in die aduent en sullen sie myt lichtelick oer
vaste brekē sond' merdike sake. die sie namens oerē Rector
apenbare sullen. **A**ls sie comē in stede of dorpe sullē sie
draghen na gheestliken huysen. ende psonē van goeden
leuē. daer sie herberghe biddē ende bliuē sullē. Sie en
moete niet ghaē in werlike huysen dā ter noet daermen
gheen gheestlike vindē mach. bisond' by nachte. Comen
sie daer suster olders woenē en van hem ghenoeet werden
ten eten. sullē sye ramē dat sie des nachtes bliuē in gheest
liker susterē huysen of mē sie cryghē mochte. Sie en sullē
oec nūmer ghaen tot anderē stede of huysen dā daer sye ge

56 59
sant sijn Velt dat anders sullē sie dat den ouerste namaels
to kennē gheue. **A**ls sie weder comē sullē sie ierst ghaen in
die kerke en danckē gade. dat sie vā hē bedwaert sijn. En dan
vozt tottē ouerste to seggē woet om geghaen heft. En kiere
sich vluchtes tot oerē ruste. En ware sich nauwe dat sie
den susterē gheen neymarē en gherucht der werlt en vertel
lē by sarppe correctie. **I**n de huysen en cōuente daer sie
comē. sullē sie hem seer nauwe waerē dat sie nyet en spreckē.
daer die vrede der ysonē in ghestouert mochte werde. of daer
murmuracie van mocht comē. En sie sullē hē nauwe wach
tē dat sie van hoer selues huys. susterē. noch ouerste nyet en
spreken dan stichtighe dinghen want dede sye anders wordē
sye gheuondē verreders. hoers huyses ende werē werdich
groeter correctie. **A**ls die susterē comē daer sie toeuē
moetē sullē sie gherne wat hantwercks doen et sy spynē
of neyen. en lesen oer ghetydē als of sy to huys weren.
Als sie vutreyfen. sullen sie myt hem nemē een guet
boexken daer sye bedwelen in lesen moegē als sie tijt heb
bē. **S**ie sullē stichtich pyne te wesen in woerdē en in wer
ken vā butē en vā bynnē oer oghen sunderling to bewa
rē. op dat alle menschē in hem ghestiche en verbeteret
moeghen werde. **A**ls sie te huys comē. sullē sie alle die

dinghē die merkelick syn en daer sie om quellick in ghehad
hebbē bychte oerē Kertou. Butē salmē nyet bychtē tot eny
ghen priesterē et sy noet saeke van sychte of vā hochtyden.
Daer om salmen orlof biddē of mē langhe butē wesen sol
de. dat mē ternoet bychten mochte enyghē eer samē psonen.

*Vandē ghenen die noch nyet professyt en syn. Ende
vandē ghenen die nyet ghecleet en syn. Ende vanden
onbeslatenen. X X*

Sommighē susterē noch niet professyt diemen
butē holdē wyll sullē ghaen myt wittē rocken
en in den arbeit hebbē sye bouē kele. En oer moudwē sullen
syn een luttel opgeslagen. Dese moeghē oer draghē na
oerre professie zwarte mantelē simpelick en oetmoedelick
toeghemact. Dese sullē gelyck dē professidē susterē holdē
die statutē. En lesen onser lieuer vrouwē ghetijden mitten
anderē ghedwoenliken ghetijden. vigilie en seuen psalmen
na ghedwoentē. Dese sullen soe veel neernstich wesen als
die beslatene susterē. onsen lieue hier te dienē. in dier ropin
ge daer sie in gheroepen syn. en wetē dat sie nyet myn en
hebbē van der waerheit der religien en volheit der suster
scap om onderscheit des habijts. **I**te ofter enyghē suste
rē oledwarē of onleerlick die die ghetijdē nyet en koste leren

die moeghē voer onser lieuer vrouwen ghetijde lesen pater n̄r
ghetijde en daer mede betaelen. Alsoe dat sie voer die mette en
vesp lesen sullē tijn pater n̄r. en aue maria. Voer p̄me. terciē.
sexte. none. cōplet. voer een eyghelick vijf pater n̄r. J̄te voer
die vigilie vā ix lexen. sullen sie lesen xxv pater n̄r en aue
maria. en seggen int eynde. Here ghyst hem die ewigste rus
te. en dat ewighe licht moet hem lichte. En voer die seuen
psalmē lesen sie xv pater n̄r. en aue maria. ¶ J̄te die sus
terē die noch totter oerde nyet gedeet en sijn sullen draghen
een deuot oetmoedich habyt dat afgescheide sy vandē ande
ren. Alsoe danighe susterē sullē holdē die drie beloeftē. als der
uinghe der eyghenscap. gehorsamheit. en renicheit hoers lich
aemo. En want sie ghaen en staen etē en drunckē en slapen
onvden ghemeynē susterē soe moete sy oer doen als de anderē
to swygen als die anderē op stede en tyde. en boert na anderē
goede ordinanciē die seer gelick sijn goede olde gewoenten
te doen als behoerlick is. Deden sie anders solde seer onstich
tich sijn anderē susterē. En scadelick oerre sielē. daer men voer
wesen sal en moet na vudwysinge der olde brueuē. ende
fundaciē. Want al sulke rebellie ghens syne te lidē is

Woe die susterē alde dach toebrenghen sullen. X

Alle die tijt des iaers salmen weckē des merghens te
vier vren dutghenoemē sōnige grote hochtijde.
Als dan die susterē gedweect sijn en die costersche dat ierste tey
ken gheluyt heft staen sie op myt alre wackerheit sich to
teykenē myttē teykē des crucis seggende. **I**nde name des va
ders des soens en des heylighen gheests. **D**ie milde maget
maria moet ons benedien myt oerē lieue kynde. **A**men.
Ghebenedijt moet sijn die suete name ons herē Jesu cristi.
Myt alsulker benedictie sullē sie sich wackerlick antrecken
en alle droemē ende quade verbyldinck van sich werpen.
Sie sullē gade dancken vā saligher bedwaringe des nachtes
En gheue sich vltelick toe goede ghedachte. En hebbē sie tijt
ghaen voer oer bedde sittē op die knypē to lesen of wat toe be
den. **D**ie die sloetelen bedwarē slutē den dormpter op.
en ghaen des heylighen daghes to kerken. **D**es werckdages
coemen sie ierst to samē op die spincamer en als dat ander
teyken gheluyt is. leestmē die lexie vand' materie. **A**ls des
manendaghes vandē doet. **D**es dynrdaghes vandē wael
dadē ons herē. **D**es woensdaghes vandē oerdeel. **D**es don
redaghes vā pynē der hellen. **D**es vrijdaghes vand' passie
ons herē. **D**es saterdaghes vandē sundē. **W**āneer die lexie
vut is gheet een yghelick op hoer werck en lesen oer metten.

Dese materie sullē die susterē andachtelick ontfanghen
 en oer bedinge ouer dach daer vut makē. want dese materie
 sōmighje verwecken tottē anxete. daer men druckelick op den
 ckē sal ende alsulke bedinge makē dat god ons verloese vā
 allē laste en periculē. Sōmige materie sijn tot hape ende
 toeueraet tot gade als wy die ouerleggen. sullen wy betrou
 wen vā synre goedertierenheit en hape tot synē ewighen
 ryke to comē. En niet ver slagē wardē in onser becoringe.
 mer strydē en werē ons na onsen vermoeghē. Als die suste
 ren inder kerken mettē lesen. nadē anderde teykē lestinē pater
 noster en beghint. ¶ **T**oe vijf voren luytinē ter prime des
 werckliken daghes. des heilighen daghes na ghelegentheit
 der metten een wenich voer of na vijfue. Des werckliken
 daghes leestmen prime en tercie woerder myssen. Na der be
 nedictie sexte. Die none na der maeltijt. of voer alst vas
 teldach is. ¶ **I**n alle susterē ten sy sunderlinge noet sa
 ke en myt orlof. sullen mysse hore alle daghe. Nader myss
 sen kieren sie om tot oeren handwerck. Voer muddaghe ende
 na myddaghe lesen sie oer vigilie. seuē psalmē en ander
 deuote ghetydē. kreenkens of anders na gewoente en goe
 der oefenynck. Aldus wort die dach toegebracht myt heyl
 ligher oefenynck. Wāneer tyden sijn darmē tallē mach

sullen die susteren vrentlick. mynlick. en troestlick malcā
derē toe spreke. mit suetē aensichtē en mynlike woerden.
Wat goedes voertenemē. **T**o spreke vand' Collacie. vand'
lectie des merghens. van historie der heilighē vā allerley
goeder oefeninge. **¶** Men sal scouwē als venyn der ziele
alreley callunge de scadelick is. **T**oe callen vā achter spra
eck. vā murmuracie. Van dwaesen ordel der ouerste ende
mede suster. Van puerstere. Religiosen. van echte lude vā eny
ghen werliken dingē die enyghē quade verblidinge make
moeghē sekerlick wetende dat die diuiele mēichuoldelick
teghenwordich syn. **¶** En datmē daer redē vā gheue sal indē
daghe des ordels. want na den woerde ons herē vut dynē mon
de salstu gherechtuerdiget werde en vut dynē monde salstu
verdoempt werde. **¶** **I**cē ten driē driē luytmē dat iersten
teyken ter vesper. en dat ander luytmē te choer omtreent een
half vre daer na. **M**er in groete fceste luytmē driēwerf.
Behalue inder vaste. want men dat ierste luyt tot Agn' dei.
dat anderde teyke nad' benedictie. **O**p vastel daghe luytmē
dat ierste teyken te vierdehalf vre. dat ander te viere. **D**es
auonto to ses vren ytmē. of drencket collacie. **D**aer na gaen
de te kerken luytmē cōpleet en leest. of syngēt na dē daghē
CWāneer mē vast etimē to elf vrē. **I**nder vaste leestmen

Desy to elf vñ. ende yt dan vluchts daer na. Anders sal die
 spys bereyt syn to tyn vren. en̄ men sal eten. Des heilighe
 daghes na der Cōpletē to achte vñ ghaen die susterē to bed
 de. Ende mē sluyt de dormpter to negend' halff vñ. Wāneer
 die susterē op den dormpter syn off op enyghen huysen
 nūmer moeten sie vutē vinstere syn noch spreken by scar
 pe correctie. ¶ Itē des wercklike daghes als heilichauont
 is holden die susterē vande werck op na ghelegghenheit der
 hochtidē en̄ na gewoentē. Op ander daghen holden sie op vā
 de werck als cloeck neghende halff sleet. In allen huysen en̄
 steden. Als dan leestmē die lectie ouer al nader ferie en̄ vāder
 materie daer men des morgghens vā gelesen heft. Dan gaen
 die susterē op de dormpter myt styllheit en̄ ruste. alsoe dat mē
 den dormpter slutē sal sal die clocke neghe geslagen heft of
 een misere daer na. En̄ dan en machter vā der nacht nyemāt
 meer op noch af. dan die om grote noet of vā oerre officie
 wegen dair to orlof hadde. en̄ soe sal mē den dormpter van
 stonde aen weder slutē. Wat suster hier ver sumich en̄ onacht
 sam in is die salmen beschuldighē voir den Rector en̄ Mat
 en̄ corrigierē die behoerlick. Daer om pyne sich een yghelick
 te tyde optē dormpter te haeste eermē sluyt. Als dan die sus
 terē voer oer bedde comē sullē sie ghaen sittē betamelick en̄

besien woe sie dē dach to gebracht hebbē ende ordelen om sel
uer. **S**ie sullen sich sette voor god almachtich en̄ onderstas
ten sich seluer en̄ besien woe sie god vertoernt hebbē ouer
dach. mit wordē. myt werckē en̄ myt alreley ver sumenisse
en̄ verdwyfen om seluer tot zware pynē. wetende woe sie stre
ger syn teghens om seluer woe sie meerre genade bynden
sullen voer gade. **S**ie sullē dan oetmoedelick voer gade ver
ghyfnisse bidden voor alle oer sundē en̄ opsat der beterin
ge maken. **S**ie sullē gade danber wese vā al synē wael
dadē. **W**ant gelick al sie in wat sundē gheuallē syn. mochte
sie in veel meerre sundē ghecomē syn. had sie die godertie
renheit gades niet bedwart. **S**ie sullē sich gade deuoetlick
beuelen en̄ roepen oer aen die alre salichste maria. myt
wat aue mariē te groetē sie beuelen sich oerē heilighen
engel. en̄ alsoe gaen sie to bedde. **S**ie sullen sich benedien
als des merghens. **E**n̄ ghaen betemelick en̄ stemelick als
ceersamē meechdē betempt to ruste. **D**an sullē sie lesen den
ynus. **C**hryste du bist licht en̄ dach. en̄ ontslaepē alsoe myt
saligher becomering en̄ bedinge. **A**ldus doende sullē die
dromē puerre syn en̄ die slape rustiger. **Nota**

E Die vermaninck der susterē sal altoes mynlick en̄ sacht
moedelick gheschieden. **E**nde die vermaent wort sal oet

moedelick antworde seggende. lieue suster tis myn scholt
 bid voor my. En nyet meer worde aen beiden syden. Die
 mater sal ter weken eens omghaen totte susterē ende spreke
 een yghelick to sonder vut nemē der psonē. Sie sal sien wat
 mē doet. offer werck der susterē wael ghemact wort of sie bli
 tich en neernstich sijn totte weerck en stil van worde. Sie
 sal troesten die drouoghē. Ende vermanē leuē en scelde die
 onrustighen. ¶ Dyt sijn onse vermanynge en in
 settinge. Salich sijn sie alle die sich hier vlietelick to gheuē ende
 nauolghen. Sie sullen rust vynde myt gode inder zielen.
 ende vrede mitte men schē. Dit sal haestelick vollenbrachte
 werde. ist dat sie chrustū hore willen daer hij secht. Coemyt tot
 my ghy alle die arbeit en belade sijt en ick sal v lauē. Hoert
 myn iuck op v. en leert want ick sachtmoedich byn en oetmoe
 dich van herte. en ghij sult ruste vynde ider sielen. want my
 Iuck is suyt en myn borden is licht. Salich sijn sie die dese leer
 nauolge. Want sie sullen vynde verghifnisse hoerre sundē
 vordering der gracie. en namaels dat ewyghē leuē welck
 ons to samen gūnen moet die ghebenedyt is ewelick sonder
 eynde. A . M . E . N .

Faint, illegible text, likely bleed-through from the reverse side of the page. The text is arranged in approximately 15 horizontal lines across the upper and middle portions of the page.

Nae desse maneer na bescreuen salmē aennemen die susterē die ghene professie doen.


In dat eerste dat sie horeseluen sich vpdraghen sullen in de teghenwoerdicheit des Kertvers en der Priorynne en des Conuentes voer een Notarius en tugheslude. puer ende simplicke omme gades wille onderdanich toe wesen der Priorynne ende den Conuent in alle dinghe. ende staen onder correctie en ghehoersamheit oer aeuersten nae ghemene ghedwoenten onses huyses. ende weesen oer Conuent truwe.

Ite ten anderden dat see al oer goet reppelick en onrepelick dat sie nu hebbē en in ennich ghen tyden rechueerdlike mocht toe comen dat Conuent op draghen ewelyke toe besitten sunder emans weder secken.

Ite daer god voer versee weer dat sake dat se vollen in scanden ende oneeren ofte weere markelike rebel ende onghehoersam in penitencie toe doenne na ghemene ghedwoente onses huyses soe mach dat Conuent se weeder vut wysen ende als see daer sulke oersake vut worden ghedwesen of dat see van syck seluen hen leepen soe moeghen see gheen loen eeschen in ennicghe rechte. voer oer arbeyt de see ghedaen hebbē in dat Cloester die tijt de see daer ghedwoent hebben. voer oer seluen of doer

oer vrende. Ende see moeghen oeck nyet weder eeschen in
enighē rechte van dat ghenne dat sie toe Cloester hebben
ghebracht. meer dan oer die Priorinne ende dat Conuent
goerdertijrlike wyl ginnē. ¶ Des sal die Prior
ynne ende dat Conuent de susteren weder besorgghen in
cost ende in clederen soe langhe als see met dat Conuent
synnē nae vermoegghen ende ghewoente des Co
uentes. Oeck en mach dat Conuent dese susterē de dus
aen gghenoemen worden. nyet woer hen wyssen omē enich
ghe trancheit of ghebrecklicheit oers lichames die oer auer
mach comen toe ennichghen tijden

65



figeris redimio fructu ueritatis & molucres gelu tristi terro
dulce iubilant. **V**ocent clarus sol & luna morte xpi turbida.

Filius turbida reingenti plaudat xpo que tremula et morte
se castam inuitat. **E**rgo die ista exultemus qua nobis ma

gnate resurgetis patrefecit ihus. **A**stra solam mare iocundentur

omni exultantur iustus punitales eboni truant. **Ps. Soli**

latere signis uariis et doctum p'dita **U** quam impetris dar

capere uires **F**ecos oculos claro lumine uestiue lepram

laridam tactu fugat placido **A** ^{monios sus. u. di} vres suscitatur mortuos men

bra que curat debilia **F**lyum sanguinis qu'myr et sacra

vir quinq; de p'ndez quina milia **S**tanguinum pagrat flue

plancu; siccom **U**ris uentros sedat **U**ingram reserat



